



通雅卷之十九

桐山方以智密之輯著

同里姚文燮經三較訂

稱謂



天家大家官家宅家。縣官官家。皆指謂國家也。至尊亦稱巨公。崖公。○獨斷曰。百官小吏稱天子曰天家。親近侍從官稱大家。又曰官家。李濟翁資暇集云。至尊以天下為宅。故曰宅家。公主曰宅家子。史記封禪書老父牽狗言欲見巨公。謂天子也。或作鉅公。唐語林唐崇曰。今日崖公甚蜺斗。散樂呼天子為崖公。以歡為蜺斗。宅家訛為茶家。又訛為阿茶。

家家嫡母也。○北朝稱天子曰家家。北齊呼嫡母亦曰家家。高
 儼矯詔誅和士開曰。士開謀廢至尊。剃家家髮為尼是也。呼乳
 母為姊姊。婦為妹妹。後世宮中總稱孃孃。或以大小東西別之。
 蘇轍龍川雜誌曰。仁宗謂劉氏大孃孃。李氏小孃孃。北國以后
 為闕氏。突厥以皇后為可敦。北史突厥傳號其妻為可賀敦。南
 齊書魏國傳佛狸所居雲母等三殿。餘舍廚名阿真廚。皇后可
 孫恒出此廚求食。則以可敦為可孫也。遼史以皇后為忒里蹇。
 孟侯太子之稱。唐稱長子為大枓。○尚書太傳。太子年十八日
 孟侯。孟侯者。于四方諸侯來朝。迎于郊。首問。孟侯也。韓詩
 外傳曰。自唐虞已上。經傳無太子稱號。夏殷雖有。其文畧矣。

至周始有文王世子之制。呂覽太子之不仁。音冊。高誘解云。願深不仁之人也。智按說文才與自字。有類字。癡不聰明也。五怪切。願其聲類二字之訛乎。唐紀叙高力士對玄宗口。但從大枓。注謂肅宗也。金史呼長子為阿迭。

別子有三。○詩正義諸侯之子。始為卿大夫。謂之別子。是嫡夫
 人之次子。或眾妾之子。別異于正君繼父。故曰別子。喪服記曰
 別子為祖。注別子有三。一是諸侯適子之弟。別于正適。二是異
 姓公子來自他國。別于本國者。三是庶姓之起。于是邦為卿大
 夫。而別于不仕者。皆稱別子也。

古以妾子為公子。○玉藻。公子曰臣孽。孽音五葛反。注適而傳

世曰世子。餘則但稱公子而已。比之木生之餘。故以臣孽自稱。古人稱私有別。○家臣稱私。士于大夫曰外私。不獨姊妹之夫曰私也。外私見禮記。北道名禾主人曰私。見說文。葵服曰私。見薄汗我私注。

軍將謂之馬容。○隋鑑摩阿馬容刺叔陵。注便鞍馬。壯軍容。謂之馬容。

幢主。卽部大也。○學海注北人一部之長。呼爲部大。按北史一軍有幢曰幢主。北周分軍主六品。幢主七品。北齊隋。又有諸幢主九品。

閣下門下之別。○古者三公開閣。郡守比古侯伯亦有閣。故書

題有閣下之稱。前輩呼刺史。太史亦曰節下。與宰相大僚書。從呼執事。言閣下者少。劉子玄爲史官。與監修書。亦書呼足下。韓文公與使主張僕射呼執事。卽其例也。記室賓佐也。他人亦非所宜。執事則指斥左右之人。尊卑皆可通用。侍者士庶盡可用之。近日官至使府御史及畿令。悉呼閣下。至于初命賓佐。猶呼記室。今則一例閣下。其執事纏于舉人。侍者止行于釋子而已。古多自稱生。尊人爲丈。今則以丈爲見輕忽。而喜爲兄弟之稱。或稱翁稱臺。崇禎中枚卜。史館可自外入。則有稱老季閣者。此亦可一咲也。今總以閣下爲尊稱。門下爲輕稱。

丈因于長。○長箋謂古文尢。譌爲丈。此非也。長者轉爲去聲。則

借丈通用。且老人有杖。或亦因此。白樂天歲日張侍御二十丈。又殷判官二十三兄。詩云獨有誇張少季處。唉呼張丈與殷兄。如子美上韋五丈。則是尊長者之稱。

足下之稱。始于晉文。○劉宋劉敬叔異苑曰。晉文公哀介子推。拊木視其屐曰。悲乎足下。

古曰堂老。今日閣老。○唐以政事堂。故宰相稱堂老。兩省相謂曰閣老。今則尊宰相為閣老矣。

老龍大龍小龍。皆龍圖學士之稱也。○官龍圖學士。則人稱為龍圖。其分老龍大龍小龍。詳見官制。

侍御曰端公。○謂殿中侍御史。如今掌河南道者也。其次曰襍

端。唐之裡行。如今試御史。于文定謂今人誤稱宰相為端公。

任一方曰方面。○唐有方面之稱。倪若水傳冗官擢方面。皆以為下遷。今猶有此稱。曰開府則晉已然。

仕宦轉變曰查郎。○集韻按類說。唐明皇呼人為查郎。言士夫如仙查。隨流順變。升天入地。能處清濁也。

不歷京官領使者曰鹿官。○唐詩紀事。長安以不歷臺省。出領廉訪節填者。呼為鹿官。王彥威詩。鹿官到底是男兒。薛能謝寄茶詩亦用鹿官。鹿从麤省。可知唐人用此字。

稱父不一。○列子曰。家公執席。前漢書郊祀志。天子為天下父。故曰鉅公。古人稱父祖。或曰公。孔融稱先君孔子。安國稱先公。

先人之類可證也。今吳下稱父多曰老相。自江北至北方曰老子。其曰爺曰爹者通稱也。韓退之祭女孥文注爹徒可切。南史歌曰始興王人之爹。赴人急如水火。其韻固當音妥。方言周秦晉隴謂父為翁。今人作書與子亦自稱阿翁。稱人之父亦曰乃翁。因漢高之稱而翁若翁也。祖為王父亦稱太翁。齊廢帝稱高祖為太翁。隋回紇傳以父為多。演繁露云唐人草檄曰致赤子之流離。自朱卯之板蕩。此朱卯是比人。大昌引之非矣。唐韻爹羗人呼父也。讀若遮。德宗正元六年回紇可汗謝其次相曰惟仰食于阿多。史釋之曰比呼父為阿多。閩以父為即伯。方言曰尊老謂之倭。或謂之父。南楚濕漉漉之間。界匡兩音水在桂陽母謂之媪。謂

婦妣曰母媪。音多婦考曰父媪。蓋古通以考妣為生存之稱。古叔姪亦稱父子。如疏廣與兄子受。子稱父母。古皆謂之大人。范滂稱母嘗稱為大人。北朝南陽王綽兄弟皆呼父為兄兒。媪姥諸稱皆母之轉語也。○齊人呼母為媪。李賀稱母阿彌。江南曰阿媽。或作姥。或呼為妳。因作奶。江南呼母曰阿姐。皆母字之轉也。說文曰蜀謂母為姐。淮南謂之社。黃伯思曰江東人呼母曰媪。庾亮法帖奉告書箱先為媪子作案。未知目何戚也。升菴曰媪一作倭。音恃。淮南傳假母。注假。繼母或曰父之旁妻也。小妻也。衛青傳民母。注民母。嫡母也。王莽傳劉子輿稱成帝下妻子。唐王鉷傳璿側出子也。皆謂婢妾所生。

古相謂為公卿。或尊或卑。隨其意也。○尊稱曰公。謂三公也。漢策此六七公皆亡恙。又相呼曰公。毛遂傳公等碌碌是也。亦相謂為官。庾信謂蕭韶曰官今日形容大異。又婦謂舅為公。賈誼策曰與公併倨。晁錯父謂錯為公。史陸賈曰毋久溷公為也。則是父呼子為公矣。次于公者為卿。故古以卿為平稱。昭烈遺詔後主呼子為卿。亦猶世之稱爾汝耳。顏之推曰班固書集亦云家孫。婦人卿夫為不敬。見世說。今士大夫家妻稱夫曰尊卿。本此當用夫子先生。如柳下惠妻是也。袁盎字絲。其兄子謂盎曰絲。能日飲亡何。史記作君是呼叔之字矣。胡毋輔之字彥國。其子謙之呼曰彥國。自貽伊戚。是呼父之字也。字子者。孟德下教稱

子桓。右軍謂子敬飛白大有勢。至宗室諸母曰文叔。則臣字其君矣。

崽因。皆子也。○江右謂子曰崽。音宰。水經注曰變童卯女。弱季崽子。閩人謂子曰因。青箱雜記云顧况有哀因一篇。謂父為郎罷。因音規。升菴曰老人自稱少子曰暮鷄么豚。因雉之少子名鷄也。

鳳毛之稱。因謝莊跨竈之稱。因王郎襍識也。○宋帝謂謝莊曰超宗殊有鳳毛。劉道隆覓之。誠可咲也。桓公望王敬倫曰大奴。固自有鳳毛。王朗云家人有嚴君焉。并竈之謂也。吳崇賀人生子云。寄語王渾防跨竈是也。其曰橋梓者。因商子曰南山之陽。

有木曰橋。高高然而上。父道也。陰有水曰梓。晉晉然而循。子道也。何子元曰康叔所見之商子。即商容也。

公姓即公孫。○詩振振公姓。注即公孫。玉藻編冠玄纁。子姓之冠。楚語率其子姓。從其時享。越語凡我父兄昆弟。及國子姓。有助寡人謀而退吳者。淮南曰子之季長矣。子姓有可以使求馬者乎。漢書田蚡傳跪起如子姓。皆謂子孫。蓋古讀姓如生。白虎通姓者生也。左傳叔孫穆子見庚宗婦人。問其姓。注問其所生子也。女生曰姓。本音同生。故借姓作孫。韻書分鼻音讀生。撮唇讀孫。去聲讀姓。皆後人分之。今人仍分為便。但執字書之說。以論古人音義則非。

正的即正嫡。○韓非子姦劫篇廢正的而立不義。即正嫡。儀禮無適孫。梅福傳聖庶奪適。皆謂嫡。

適人即敵人。○史記田單傳始如處女。適人開戶。即敵人。論語無適也亦然。

由子即游子。○焦氏易林曰下有由子。即謂游子。

育子穉子胃子。○書考異教胃子。史記作教穉子。說文作育子。錯曰不順子也。不順子且教。况順子乎。智按姦為子突出。加毓為養育。省作育。安得有不順之意。胃本甲胃。从月。即因胃子而

从肉作胃。非也。長子為頭生子。或長字之音旁轉胃耳。許氏引教育子。倘見別本乎。又叔胃胤也。足徵說文非一時一人之書。

保林因保母而名。○漢禱事秘辛一卷。有建和元季保林吳姁秘緘事。諸公喜異書。而跋者或疑保林。智按漢外戚序無涓。其和娛靈。保林良使夜者。皆視百石。師古曰涓。絜也。無所不潔也。其卽恭娛靈。以娛樂情靈也。保林安眾如林也。夜者王夜事。按姁與嫗通。宣紀有阿保之功。保林自是保母之稱。娛靈是宮中主祠祀者。無涓之解費力。命名何苦如此。因涓人中涓推之。疑是母涓之訛。

耳孫卽仍孫。○惠記內外公孫。耳孫。應邵曰元孫之子也。但耳聞之。李斐曰耳孫。曾孫也。晉灼曰元孫之曾孫也。諸侯王表在八世。師古曰平紀耳孫音仍。爾雅仍孫從已而數。是爲八葉。仍

耳聲近。蓋一號也。班氏惟存古名。而計其葉數則錯。王勉夫主此說。

家人家子。○欒布傳爲家人時。師古曰編戶之人也。轅固傳此家人言。注言童隸之屬。此正合俗所謂家人。郊祀志家人尚不欲絕種祠。師古曰家人謂庶人之家也。馮唐傳士卒盡家人子。師古曰庶人之家子也。

下中下輩下人。宵人細士僉人織兒。○灌夫傳薦寵下輩。李廣傳爲人在下中。師古曰在下輩之中。許宣后傳下人乃關內侯。師古曰人材下劣。蕭望之傳下走。班婕妤傳下陳。皆此謂也。或五子傳。母邇宵人。小人也。南粵傳近細士。信譴臣。細士猶小人。

也。書曰：僉人是也。晉小玉曰：好家居。織兒欲撞壞之。或曰：有即音是義，故稱宵細僉織，其聲皆小。

尺口，謂家口尺以上也。○董卓殺隗基家尺口以上，自云八口之家，即稱家口。捉搦歌：只生口，謂多此一口也。小兒黃口，因雀借稱，而口數遂云始生為黃。

姪乃後世以義立字者也。○出之孫曰離孫，言遠離已也。男子謂姊妹之子為出，女子謂兄弟之子為姪。公羊傳：葢舅出是也。姪從其姑，對姑方云姪。今則對叔伯皆云姪矣。又改為侄字，古人則但稱兄子某，從子某，字書侄本音質，堅也。又癡也，侄乞不前也，俗誤改。

謂兄為况，本于荒者。○釋名：兄，荒也。荒，大也。故青徐人謂兄曰荒，白虎通：兄，况也。况，父法也。廣雅：兄况于父。今江南北猶呼兄為况。詩：鶉之奔奔，鵲之疆疆，人之無良，我以為兄。兄，虛王反。石經以兄為皇字。尹翁歸字子兄，顏師古讀曰况。詩：倉兄，即倉况。古文：𠄎从艮，即兄字。南詔考蠻謂兄為容，計有功曰：元季川名融，次山之弟也。次山作處規曰：季川曰况，復不言况，有意乎。注况，兄之別稱。

丘嫂，即巨嫂。○楚元王傳：高祖過丘嫂，滄。史記作巨嫂。巨與丘猶丘與區也。嫂本作媵，晉帖作媵。

舍弟之稱，起於曹魏。○吳曾曰：魏文與鍾繇書曰：是以令舍弟。

子建。因荀仲茂從容喻鄙旨。今稱舍弟本此。戴逵稱安道曰家弟。

蜀謂老為波。○愛日齋叢抄言范氏吳船錄。嘉州王波渡。又有天波月波。宋景文謂波當作幡字。山谷貶涪州號涪幡可証。阿戎從弟也。○王思遠小字阿戎。為王晏從弟。故唐人沿之。杜甫於從弟杜位宅守歲詩云守歲阿戎家是也。

稱妻曰鄉里。蔭蔭愛根。未蒙遂稱也。○沈約山陰柳家女詩。還家問鄉里。詎堪持作夫。鄉里謂妻也。南史張彪呼妻曰我不忍令鄉里落他處。姚寬曰今會稽人言家里。其意同也。金志夫謂妻為蔭蔭。妻謂夫愛根。李肇國史補曰西蕃呼贊普之妻曰未

蒙。

周有判妻入子之名。秦有寄緘逃嫁之稱。○周禮媒氏凡娶判妻入子者。皆書之。判妻出妻再嫁者。入子。媵妾不聘者。張氏曰漢有八子。其入字訛乎。此非也。女官有七子八子九子。必以入子為八子。亦如趙凡夫以九子為姦子矣。秦碑文曰夫為寄緘。殺之無罪。男秉義程。妻為逃嫁。子不得母。咸化廉清。

尊章。猶言舅姑也。姑曰威姑。○漢廣川王歌曰荷尊章。嫖以忽。黃公紹曰夫之兄曰兄嫜。杜詩何以拜姑嫜。釋名曰兄忪亦曰兄章。舅忪亦曰舅章。釋名曰姑。故也。故弱侯以古老為姑之字。原。婦稱姑為威姑。猶子稱父為嚴君。說文引漢律。婦告威姑。王

昭明以古威字作嬰。

古呼姐如姊。漢或謂孟晉呼姊如市。○方言娟孟姊也。注外傳曰孟啖我是也。今江東江越間呼姊如市。娟未詳。智按姊即姊字。古少麻韻讀姐為姊。漢書多姐反。注姐音姊。且本是姐轉為姊。轉為姐。

妯。夫之兄也。○爾雅夫之兄為兄公。夫之姊為女公。郭璞注今俗呼兄鍾。語之轉耳。禮記奔喪篇唯嫂叔。注正言嫂叔。尊嫂也。凡公於弟之妻則不能也。容齋隨筆引玉篇。妯音鍾。省作公。容齋豈知為語轉而別音。遂別作妯乎。呂覽遇合篇。姑妯知之。曰為我婦。而有外心。不可畜。

楚人謂妹曰媼。○說文引公羊傳曰楚王之妻媼。云貴切。唐書妹多作媼。宗室傳同安公主高祖同母媼也。今人以媼比考妣嬪。

築媪即妯媪。或謂長婦曰植。曰熟。皆妯之轉也。○方言築媪。郭璞曰關西兄弟婦相呼為築里。廣雅始作妯媪。呂東萊紫薇雜記言呂氏母母受媼房婢拜。媼見母母房婢拜即答。是母母亦尊尊之意也。釋名青徐人謂長婦曰植。長禾苗先生曰植。取名于此。荆豫人謂長婦曰熟。熟祝也。祝始也。封禪書神君先後宛若。孟康曰猶妯媪也。

女人稱我曰妣。譯女自稱曰媵徒。○郭璞注爾雅引說文曰。女

人稱我曰妣。轉為印。後漢書南蠻傳。外癡內黠。相呼曰妣徒。元美曰。南譯女人自稱曰娣徒。娣音陽。巴人自稱曰阿陽。智按古文易。父為妾為娣。則古有此字矣。在廣西見獯人之老者。一寨呼之曰婆。其老婦則呼之曰公。

外甥亦曰外生。○謝綯父重。即王胡之外孫。與舅不協。綯先禮乎其舅袁湛。湛曰。兩世無涓陽情。魏舒為外家寧氏所養。相宅者云。出貴甥。舒曰。當為外祖。成此宅相。世說曰。桓豹奴是王丹陽外生。形似其舅。則外生即外甥。然晉時多通稱。自古借字也。如謝重為袁湛之外孫。則以甥為孫。魏舒傳云。出貴甥。是指外孫為甥也。今人竟以涓陽宅相相稱。古人偶語耳。何無忌酷似

其舅。可稱曰酷似否耶。然貽厥友于。已成歇後之語。又按古婿亦稱甥。孟子帝館甥。故岳亦稱舅。

古謂老男老女為諸君。小男小女為吾子。○管子曰。吾非籍之諸君。吾子。有二國之籍者六千萬。注諸君。老男老女。吾子。小男小女也。即旄倪之意。

姑息有三解。一作麤息。○升菴引尸子。紂棄黎老之言。而用姑息之語。注姑婦女。息小兒也。元美仍主姑息為且休之詞。焦弱侯曰。姑。姘姑也。息。頑童也。智按唐韻作麤息。曹植傳。大發士息。前後三途。言士卒子息也。博南言許械妻劉夫人碑。孫息盈房。今亦有嗣息弱息之語。呂先識篇。辟遠箕子。爰近姑與息。太平

御覽引。或王曰。紂愛近姑與息。則爰是愛訛。以此徵之。確指兒女子輩。元瑞譏升菴。正未必當。

累重。謂家屬也。○西域傳。有累重敢徙者。詣田所。趙充國傳。終不敢將其累重。陳或帝答沈炯詔。已遣所由。相迎尊累。累重。謂妻子家屬也。後漢杜林傳。細弱。陳龜奏。侮略良細。杜甫。難窶。孺弱餓死。

泰山泰水。○撫遺云。歐陽永叔。謂今人呼妻父為岳公。以泰山有丈人峯。又呼妻母為泰水。不知出何書也。今大孤山下有石曰丈人峯。因以孤訛為姑也。裴松之注三國。言獻帝舅董卓。謂古無丈人之名。故謂之舅。松之元嘉時人。呼婦翁為丈人。已見

此時。漢書。塞外言。漢天子。我丈人行。丈人。古為尊老言。經効方云。青城山丈人。皆此類也。黃氏筆記曰。漢郊祀志。大山川有嶽山。小山川有嶽壻山。或出于此。

聳即壻。一曰率便。干祿書又作聳。○風俗通怪。神女新從聳家來。是漢時所造字。故方言。聳謂之倩。郭璞注曰。今俗呼女壻為率便。一作平便。博物志。王粲與族兄凱。依劉表。表有女。周率謂粲非女。聳才。乃妻凱。孟康曰。西方有亡女壻曰丘壻。丘空也。字書壻旁从士。

媪壻為阿翁。○翁音翁。唐中宗以衛后乳媪嫁竇懷貞。世謂媪壻為阿翁。懷貞自署皇后阿翁。人謂之國翁。軒然不慚。

婢亦謂之上清。○柳瑄上清傳。温公考異引之。言賓參知敗。囑上清定為宮婢。當為白上。後果入宮。言銀器字。為州縣希指事。事雖不可信。然當時稱婢為上清。亦常語也。

八八。乃逸語之稱巴巴也。○唐書德宗以懷光外孫。奭八八為

後八八。蓋逸語稱老成者曰八八。或巴巴。今回回教以老成者

呼八八。其聲近把。仙傳陶八八。肅宗時道士以丹授顏真卿者。

伍伯一作五百五伯。彤騶本于絳騶。○卮言以前導為伍伯。元

瑞以皂隸亦號伍百。見蘓世長傳。大昌引虞詡傳注。續漢志伍

伯公八人。曹節傳節弟見五百妻有色。注引韋昭云。五伯本作

伍伯。黃祖怒禰衡。令五百將出杖之。升菴引宋人用褚亮詩彤

騶字。卽五伯也。始于唐人。智按彤騶。卽南史之絳騶。不自唐始也。

客旅曰賓。長官曰正。○日者傳曰。卑庇而前。纖趨而前。比周賓

正以求尊譽。索隱曰。客旅曰賓。長官曰正。張氏曰。賓。迎也。導也。

列也。服也。管子飛蓬之間。不在所賓。注賓敬也。此蓋謂比周之

狀。逢迎敬服而請正也。說文賓。所敬也。宀聲。集韻古作賓。宀賓

賓。子才以為从負。或曰。宀下迎人之省。故後用賓。智按。宀省亦

聲。宀古寔字。轉音綿。與鬪通。

衙前散從。猶今之內外班也。○見韓魏公奏。今上司後有內班

外班。宋時曰衙前。猶長隨也。散從。猶聽用也。升菴直以衙前為

門子亦未確。

唐稱兩中尉口兩廣。○皮光業見聞錄曰。崔慎由開成中。寓直夕。忽內召。見左右二廣。然蠟而坐。欲廢文宗。慎由固爭。乃曰。爲此。拘木枕。措大。慎由勝其事。付胤。稱二廣。因楚之二廣。謂軍容掌兵也。又唐各鎮歲進闈兒。號曰私白。猶今之呼紗裏也。孟元老曰。東京呼宮門上進膳。有人呼喝。謂之撥食家。次有紫衣者。謂之院子家。今呼老公。

中人。出入曰中大人。○鄧禹傳。禹孫康。誥太后所使中大人。岳珂飛程史曰。神宗朝。王襄敏韶。幼子宋。觀燈失所。旬日有中大人。下宣旨。抱南陔出車。南陔卽宋也。

門生。門童。弟子。故吏。故民。處士。義士。義民之別。○孔碑陰載。門生四十二人。門童一人。弟子一人。故吏八人。故民一人。隸釋謂漢儒開門授徒。親授業者。則曰弟子。次相傳授。則曰門生。未冠則曰門童。總稱曰門生。舊所治官府。其祿屬。則曰故吏。占籍者。則曰故民。非吏非民。則曰處士。素非所蒞。則曰義士。義民。永叔跋文翁學生題名。言有典學從事各一人。司儀主事各二人。左生七十三人。右生三十人。

唐選大臣子孫工書者曰書手。後爲吏書之名。○今人謂吏書手曰書手。智按唐志。貞觀中。選五品以上子孫工書者爲書手。繕寫藏于內庫。以宮人掌之。以時暴涼。陶九成止載宋衍元和

中爲鹽鐵院書手。蓋未讀唐志也。魏書江式表言書生五人專令抄寫。此書生卽謂書手。

一字之稱曰尊。○餘冬序錄曰至尊官家之稱。皆昔人以稱君上者。魏晉六朝閒稱君多但曰官。稱其所私事亦多曰官。稱父曰尊。稱伯叔季父及其所私事亦多曰尊。一字爲稱。唐宋閒無聞矣。晁錯傳公卿言鄧先猶言先生也。今京師或曰老先。吳中曰老生。

先輩之稱有兩謂。○唐宋閒人呼謂有先輩之稱。或曰此互相推敬耳。然不聞施之同朝同官同季。而所謂皆未任官職未登第之士。觀歐蘇書札可見。李方叔東坡門人。坡書稱方叔爲先輩。按北夢瑣言王凝知舉日。司空圖第四。王謂眾曰某叨忝文柄。今季榜帖爲司空先輩一人而已。則是所謂先輩者實未達上也。唐王福時雜錄文中子謂魏徵及房杜曰先輩雖聰明特達。非董薛程仇之比。然則是稱。隋唐初蓋已如此。自此而後多以在我前者爲先輩。今詞林以七科爲前輩避馬。一科以上但讓馬。

使者爲信。○古人謂使爲信。黃伯思法帖刊誤。炎報帖故遣信還。逸少帖遣一信見告。

古稱小生。○朱雲曰小生欲相吏邪。張禹傳新進小生。李陽冰曰斯翁之後直至小生。鮑明遠詩寄語後生子。作樂當及春。

所由言事所必由也。○徐文長引廣記。徃徃捉捕有所由名色。輯略云所由。卽今保正。又云予前注爲邏卒亦近之。智按唐玄宗曰。嚴挺之爲罪人。請屬所由。崔咸舉觴罰裴度曰。丞相不應許所由官。咄囁時指京尹劉栖楚也。三省曰。京尹任煩劇。唐人謂府縣官爲所由官。項安世家說曰。今坊市公人謂之所由。文長乃未讀溫公全通鑑邪。

牙卽謂之互郎。○劉貢父詩話。今人以馮僧爲牙。謂之互郎。吳曾曰。唐人書互作牙。牙似互。安祿爲互市牙郎。此自一事。智按如允吾作鉛牙之類。古蓋聲通。不但形近。然牙行實以市平大稱。不可混互也。

牙市又曰經紀。○今人稱牙僧爲經紀。其語有自來。按唐書滕王元嬰與蔣王皆好聚斂。太宗嘗賜諸王帛。勅曰。滕叔。蔣兄。自能經紀。不須賜物。韓昌黎作柳子厚墓誌云。舅弟盧遵。又能經紀其家。金史有牙例課。

黃冠有妻孥者曰寄褐。○樊翼詒謀錄。宋禁宮觀寄褐。謂今之火居道士也。諛詒錄謂之啞竿。叱枳。房千里曰。師郎。

祠祝卽廟祝。○今人以守廟道士呼爲廟祝。此蓋有本。漢表景中六季。夏名大祝爲祠祝。或本初元季。夏名曰廟祝。

跛擊。跛覲也。朶覲。滇中巫人之稱。○楚語觀射父曰。在男曰覲。音檄。荀子偃巫跛擊之事。注擊讀覲。古者廢疾之人。主巫覲之。

事。升菴曰。滇中巫人曰朶覲。至曰瑤眊者。乃古今注所載。取無患木制鬼者也。段柯古亦載無患木制鬼魁。其人瑤眊。智以爲當是瑤眊。何子元曰。雲南夷羅巫師曰朶兮薄。殺雞籤其腿骨。卽雞卜也。

繚子。下役之稱。○宋仁宗游後苑。還宮。索漿甚急。宮嬪曰。大家何不於外宣索而受渴。仁宗曰。吾屢顧不見繚子。恐問之。則所司有得罪者。升菴曰。繚子亦庖人之別稱。音力吊切。智按。今王府勛戚。稱手下曰牢子。大內門軍亦曰牢子。或牢繚。音轉。而訛作此字。然官家各時習成稱呼。因爲典故。未可臆斷也。

重臺賤稱。○卮言學。羊欣書爲重臺。蓋梁或評欣書如婢學。夫入也。左傳。晡時爲僕。日昃爲臺。又曰。阜臣輿。輿臣臺。重臺言婢之婢也。智按。說文。媼。遲鈍也。闕媼亦如之。箋云。闕媼。浙之方言。曰阿帶。平聲。改作媼。馬曰。駑駘。蓋本仗臺之賤稱也。

目痴爲九百。○陳無已曰。世人以痴爲九百。愛日齋叢抄。言東坡亦用之。張平子賦曰。乃有秘書小說。九百虞初。虞初事漢。號黃衣使者。亦號九百。俗緣其小說瑣碎耳。

敵手曰對家。○魏文言。以單攻複。對家不知所出。古概稱人曰家。裴徽爲荀粲與傅粲。通二家騎驛。故相沿議論著作。遂有當家作家之名。孔明與李子豐曰。方之氣類。猶爲上家。

概豎壓獠。皆賤稱也。○崔浩曰。屈丐。概豎。小人。豎。賤稱也。概。言

直立崛強如楸也。北史周文帝討諸獠，獲其生口，以爲賤隸，謂之壓獠。資暇錄高歡時呼奴爲邦，五色線唐呼左右爲都公，其因馮子都乎。

宰相蒼頭曰互祿。○見沈約雜記。袁粲曰：于慶改名丁互祿，投丁謂，謂喜曰：吾大拜矣。

稱男子曰南北，猶稱物爲東西也。○迺旃璵言曰：世指好男子窮者，咤曰：好南北，無東西。

獬兒貉子。○三國曹操呼孫策爲獬兒，關羽罵孫權使爲貉子。唐代宗以季名賀知章子，蓋戲其爲瓜子也。瓜借音爲獠，今山西有瓜子之稱。

秦人漢子。○老學庵筆記曰：今人謂賤丈夫曰漢子，蓋始于五季紛攘時。北齊魏愷自散騎常侍遷青州長史，固辭，宣帝怒曰：何物漢子，與官不就。此其證也。陶九成引成式廬陵官下記有研朱漢子語。

佃客田騶衣食客。○晉書百官志諸公及開府從公給菜田十頃，田騶十人，光祿大夫菜田六頃，田騶六人。又當官品第一第二者，佃客無過五十戶。此晉武平吳後制。王公近郊有芻藁之田，又得廕人，以爲衣食客及佃客也。東晉寓居江左，都下人多爲諸貴人，左右佃客典計衣食客之類。列子田粟詳疑始辟邪宜祿。○魏明帝使給使辟邪，召司馬懿，辟邪給使之號，猶

漢之丞相蒼頭呼爲宜祿也。漢書蒼頭廬兒。又言蒼頭軍。猶義子也。

事力。猶黃回之快手也。○宋書蕭惠開有舫十餘。事力二三百人。戴明寶使黃回募江楚快手八百。隸劉劭。搜神記鄧縣吳望子事。貴人乘船。挺力十餘。卽事力之意。

首坐謂之客。唐謂之坐頭。確酒者謂之白席。○左氏臧紇爲客。唐李尚書益與宗人尚書益赴飲上坐。咲曰今日兩副坐頭俱空。益執事勸酒。謂之白席人。亦謂四司人。

白漢已有酒保之稱。○文長曰兩見鶡冠子。智按李燮杜根皆爲酒家保。

大伯煖糟。廝波劄客。撒暫泛索。勘宅驪門。○夢華錄要曰。量酒博士至店中。小兒子謂之大伯。婦人繫青腰。爲客換茶湯者。謂之煖糟。歌唱獻菓子香藥者。客散得錢。謂之廝波。妓不呼自來。謂之劄客。散菓會客。然後求錢。謂之撒暫。泗水潛夫記作撒嚕。非時取喚。謂之泛索。就人貿易。撲物事者。謂之勘宅。鋪面朱綠裝飾。謂之驪門。

輜車之夫曰倅夫。○唐懿宗咸通十二季。葬同昌公主。賜酒餅餠四十橐駝。以飼倅夫。注倅。蒲本反。倅夫。輿柩之夫也。

部色。教坊稱也。○教坊有部頭。有色長。升菴曰。周伯清誤呼部頭爲務頭。可咲也。按今九宮譜有務頭。言填詞之法。非呼人也。

其說施俊語亦非。蓋謂其發聲處。當用陰陽字之類。

參軍蒼鶻末泥孤裝顛首。皆劇家之稱。○元瑞曰副淨。古之參軍。副末一名蒼鶻。一名末泥。一名孤裝。見陶氏輟耕錄。智閱南唐書隆演。鶻衣髻髻爲蒼鶻。升菴謂漢郊祀有飾女妓。卽裝旦之始。凡夫以淨作顛首。李義山嬌兒詩。忽復學參軍。按聲喚蒼鶻。

爆炭都知錄事。皆青樓中之稱也。○孫際北里志。妓假母曰爆炭。卽今之鴇也。盧嗣業醜錢詩曰。未識都知面。頻輸復分錢。注曰。妓之頭角者爲都知。其爲酒糾則稱錄事。孟啓本事詩引元稹云。余曾爲觥錄事。稱較書者。因薛濤也。

三老太翁。船長之稱也。催碇郎。篙師也。○古今詩話謂川峽以篙手爲三老。乃推一船之最尊者。杜有長季三老歌。陶九成曰。海舶中呼司舵曰太翁。是亦長老三老之意。雲麓漫抄曰。浙江東南溪。篙用竹。扣鐵鑽。有肩篙另篙。另讀如列。催碇郎。舟師也。束手擲篙。諸人皆齊力。蔥打。智見粵西灘江灘至險。榜又用荻篙。下施鑽如鈍錐。上以木作月牙。抵胸竝脇。數百斛之扁。不藉彈牽。惟以十二篙左右急戛。駕濤而上。以使力便也。

餅師。工師。花師。猶子雲之載亭公。弩父也。○方言亭父謂之亭公。率謂之弩父。丹鉛載善蒸餅者稱餅師。計有功紀事。載寧王還餅師之婦。龍城錄。宋單父善種藝。上皇召至驪山。植花。內人

呼為花師。即木匠曰工師意也。如待詔郎中。則以官稱之。

翁仲猶石丈。銅人謂之金翟。則通稱也。○鴻桷集曰。始皇鑄金

人十二。金翟也。或帝承露盤。銅仙也。魏明列東都者。翁仲也。從

晉春秋。誤以銅仙為金翟。宋錢穎誤以翁仲為銅仙。師古又誤

以翁仲為金翟。程大昌據華嶠後從書。復誤以徒銅人為漢明

帝。獨李賀詩小序得實。而又誤景初三季為青龍九季。不知魏

青龍止于五季也。石人號翁仲。猶米顛之稱石丈。古人多以仲

稱。从八中聲。亦兼會意。汨記曰。平仲種銀杏樹。故稱平仲。杜仲

種棉絲樹。故呼杜仲是也。鴻桷辨之。乃以暢其偽魏文之意。

通雅卷之十九終

通雅卷之二十

桐山方以智密之輯著

同里姚文燮經三較訂

姓名姓氏

姓氏論曰。百官族姓。見於堯典。司商吹律以協各姓。故譜謀世

表史遷記之。然蜀秦必見帝繫之時。五帝皆同一族。辨其不然。

張說曰。古未有姓。自炎帝之姜。黃帝之姬。始因所生地而為姓。

則康成所云。炎帝姓姜。太皞所賜。黃帝姓姬。炎帝所賜。皆臆說

也。隱八年無駭卒。羽父請謚與族。公問族於眾仲。對曰。天子建

德。因生以賜姓。胙之土而命之氏。諸侯以字為謚。因以為族。官

有世功。則有官族。邑亦如之。公命以字爲展氏。釋例曰。別而稱之。謂之氏。合而言之。則曰族。例言別合者。若宋華向出戴桓公。獨舉其人。則曰華氏向氏。竝指其宗。則云戴族桓族。記謂之庶姓者。以始祖爲正姓。高祖爲庶姓。庶姓亦氏族之別名也。姓則受之天子。族則稟之時君。其不賜者。各從其父之姓。族。黃帝之子。兄弟異姓。周之子孫。皆姬姓者。古今不同。賜姓者亦少。惟外姓。媯滿之徒。賜族者有大功德。宜世享祀者。方賜之。王朝大夫。不封爲國君者。王賜之族。春秋尹氏之徒。魯挾鄭宛。皆未賜族。故單稱名。其士會之帑。處秦者爲劉氏。伍員之子在齊爲王孫氏。知果自別其族爲輔氏。皆身自爲之。襄十年。伯輿之大夫曰。

平王東遷。吾七姓從王。賜之駢旄之盟。襄十一年。盟亳曰。七姓十二國之祖。可知氏族一也。姓尤爲重。姓之爲言。生也。氏之爲言。類也。呂東萊曰。三代時曰姓者。統其祖考之所自出也。百世而不變。曰氏者。則子孫之所自分也。數世而一變。以智論之。姓氏皆有別稱。通稱豈可執。漢儒之訓詁哉。如堯舜姬姓。稱陶唐氏。有虞氏。禹姒姓。有夏氏。成湯子姓。有商氏。此因國語。帝胙禹以天下。賜姓曰姒。氏曰有夏。胙四岳國命爲侯伯。氏曰有呂。而槩稱國號曰氏耳。上古至中古。人漸繁。故以氏族分之。氏族始有定名。至周始詳。古則但爲名號。若上古之氏。則一國號也。陶唐氏。有虞氏。猶之伏羲氏。神農氏。今之稱漢家。唐家也。因生賜

姓者。立有德爲諸侯。因其所由生以賜姓。若舜由媯汭。故陳爲媯姓。諸侯以字謚爲族者。位不敢同天子。故氏其王父字。或卽其謚。稱以爲族。元凱十六族兄弟也。世代久而人繁。族大則族亦一姓也。又有如觀射父所稱。物賜之姓。以監其官。謂之百姓。則姓之別稱。亦猶是也。漢去古近。凌煙博陸。稱曰霍氏。以氏代名。蓋美稱耳。此知氏亦可以爲通稱也。以左氏之說。字謚官邑。才四者而已。柳芳曰。後世或氏於國。則齊魯秦吳。于謚則文武成宣。于官則司馬司徒。于爵則王孫公孫。于次則孟孫叔孫。于字則展氏臧氏駟氏國氏。于居則東門北郭。于志則三島五鹿。青牛白馬。于事則巫乙匠陶。通志則分以國以邑以鄉以亭以

地以姓以名以次。以旌以事以謚。以吉德以凶德。以爵系國系族系名氏。國爵邑系官名。邑謚謚氏。爵謚代北複姓。關西複姓。代北三字姓。四字姓。諸方複姓。凡三十二類。一切皆姓。國則有代號廟號。士夫有爵有謚。無爵者有字有號。衆所同然。共止六例。豈不亦簡便乎。愚者曰。三代時。姓氏分而爲二。男子稱氏。婦人稱姓。氏以別貴賤。貴者有氏。賤者有名無氏。姓所以別婚媾。故有同姓異姓。庶姓之別。三代之後。姓氏合而爲一。皆所以別婚媾。而以地望明貴賤。魏晉置中正。以門第官人。李唐論相。惟重八姓。天監士流案譜。貞觀禁約鬻婚。抑亦未矣。洪武四年廢圖譜局。豈非厭其繁縟已甚乎。蓋重贖過于世家也。按仰萊姓

氏考曰。庖羲氏而風姓。烈山氏而姜姓。似氏大于姓。中古不得賜姓。因氏其王父字謚。似姓大于氏。殷五世通婚媼。姓猶尠也。至百世不通。其姓已繁。然仍有姓有氏。如師尚父姜姓。呂氏。姓則不遷。氏則屢遷。後世以氏爲姓。無復分別。男子稱姓。女子稱氏一也。而有百姓千姓之書。百七十門。萬姓之統譜矣。

自有統譜。原引粲然。然未必盡當無舛也。如所氏引伐木所。以古有虞衡。因主代木。遂以爲姓。此亦支矣。風俗通所姓。宋大夫率所事之後。穀梁傳隱九年。俠卒。俠者所俠也。此與顏籀已異。朱以爲舜臣朱虎後。似之。東觀曰。其先宋微子之後。周衰宋滅。韓碭易姓爲朱。廣韻本自高陽後。周封于邾。爲楚滅。子孫去

邑氏朱。則朱有三說。路氏國語。妘姓。陸終子求言後。別封路。廣韻。唐世系。姬姓。帝摯後。封路。憑就篇注。路水名。在涿郡界。居者氏焉。此亦三說也。苟艸名。所居饒之。因命氏。又云。晉苟氏後。避難改姓。姓苑又云。黃帝後。說亦參差。今關中著音苟。去聲。其實說文苟字。从艸省。苟古文也。龐爲高屋之名。其先殷富。好爲室屋。審引審曲面執。當爲司空之官。則尤回穴矣。兒倪本爲一姓。鄠尋文合斟尋。米卽是裘。而師古不能原。角本無角。而應麟分爲二。又何在。是正闕閣逢逢。以爲功哉。觀通志所載。移避所更。相伯袁爰之爲一。疏棘桂痛之更變。京嵇之自取。賀師之避諱。吞之音他前。遺之音惟。賁之音肥。不之音彪。玉之音肅。能得二

姓之音耐。員慕子胥則平聲。不當音運。母丘即貫。則雙姓不得音無。加以遺復。沿改無常。博雅者不能無漏。宜矣。是用哀集。列其稀僻者。備遺忘可也。自子長刪世本為世表。旁行邪上。并效周譜。此劉杳所引也。漢溝洫志。王橫亦

引周譜。後漢有鄧氏官譜。應邵王符。皆有姓氏篇。何承天乃作姓苑。吳志薛綜定五宗圖。晉摯虞作族姓昭穆記。南齊賈淵祖弼之。父匪之。世傳譜學。王弘百家譜。王儉廣之。元魏定諸州士族。自陳羣九格。由中正考之。唐有高士廉氏族志。路敬淳衣冠譜。王元感姓氏實論。柳沖大唐氏族系錄。二百卷。柳芳註論甚詳。作永泰新譜。李利涉唐官姓氏記。韋述開元譜。張九齡姓源韻譜。林寶元和姓纂。八姓外三百五十姓。宋景祐雁門邵思姓解。百七十一門。二千五百六十八氏。錢明逸撰熙寧姓纂。紹興中鄧名世有姓氏書辨証。鄭樵為氏族畧。長沙丁維臯撰百族譜。周益公序。又嘗修姓源韻譜。容齋常譏之。鄧氏辨証黃潛嘗譏之。大抵附會耳。洪武十四年。編修吳沉。典籍劉仲質。吳伯宗。據戶部黃册。編為千家姓。首云朱奉天。運楚中。周景虞以韻編之。成章。如千字文。因姓載歷代之人。則凌迪知萬姓統譜具矣。然無辨證。當別作一書。而闕疑尚多。且有所俟。崇禎戊寅冬。皖桐

方以智密之識于稽古堂

奠繫定世。周譜為法。○周禮世奠繫。小史定繫世。疏曰天子謂之帝繫。諸侯謂之世本。世本十五篇。劉向言與左氏合。載在漢志。世本叙黃帝以來祖姓所出。史遷所從取以作史記者。隋經籍志謂漢初得其書。蓋出于秦焚之後。宋洪景盧謂其書今亡。不知於何時亡耶。唐志宋衷世本四卷。春秋正義曰今之世本。與司馬遷言不同。遷言多誤。通鑑外紀曰世本經秦歷漢。儒者改易。則唐以來混之。非亾也。

古重賜姓。今重別婚。○姓非天子不可以賜。而氏非諸侯不可以命。姓所以繫百官之正統。氏所以別子孫之旁出。族則氏之

所聚而已。蓋別姓則為氏。別氏則有族。族無不同氏。氏有不同族。故八元八凱。出于高陽氏。高辛氏。而謂之十六族。是氏有不同族也。商氏條氏。徐氏之類。謂之六族。陶氏族氏之類。謂之七族。步氏華氏之類。謂之戴族。向氏謂之桓族。是族無不同氏也。蓋古以國為氏。號故旁支。謂之族。自漢以後。族即一姓矣。

半千姓慕伍員。不當去聲。而姓苑前涼之員。則以姑幕員亭之聲而誤。○唐員半千。本宋劉凝之十世孫。因受齊禪。奔元魏。自慕伍員。改姓員。人即附于前涼員家。遂與姑幕縣南員亭之員俱作去聲。按半千以慕伍員。改員。杜預音云。員字子胥。詩樂我胥。為餘辭。聊樂我員。亦餘聲。可知伍員平聲。乃宋人譏之。升菴曰。伍員之員音運。良齊詩書祖之。宋光家乃造分員。負為二字。

母丘當音貫。○史曰。世家伐衛。取母丘。注索隱曰。母丘即貫。古國名。今作母字。殘缺耳。然今廣韻韻會虞韻。母字下。載複姓。引母丘。誤矣。此因漢書有曼丘臣。師古曰。曼丘。母丘本一姓。故遂以為母。然則漢時母已訛為母。母與曼聲近。升菴曰。漢有母丘興。母丘長。母丘毅。魏有母丘儉。今分為二。曰母曰丘。而母為父母之母。母氏子孫亦不知矣。七修類彙曰。母丘音貫。見在濟陰縣南。今為曹縣。按母古字。後人加貝。母蓋古冠象建簪形。借為貫串之母。升菴亦未知也。

左丘明姓丘。○單姓丘者。亦不本于母丘。孔平仲禱鈔曰。左丘明姓丘。李太虛侍郎虛中言。昔湖州有人發古冢得碑。乃南朝

丘遲其言遲乃左史丘明之後。王元美駁之。元美安知左丘明之確姓左耶。孟奇有丘明不姓左之說。

郗郗本分而聲亦相借。○東觀餘論曰。郗姓音絺而俗作却。因讀却訛之却。訛乃晉却縠後。郗鑒乃漢郗慮後。陸魯望詩一段清香染郗郎亦誤矣。然觀右軍帖以郗爲却。誤自此始。退之所以貶爲俗書也。智按說文繩在河內丑脂切。罷晉大夫叔虎邑綺戟切。卻訛爲却。故亦混郗。母亦絺絺相因。郗轉入爲郗乎。隋書袁充傳冬尚衣葛客曰絺兮絺兮。妻其以風。則谷去隨人屬書从矣。劉杳云楮酒音振而升菴音楮爲郗。將以若去同而及郗耶。楮音振無因。嘗以沈約糝酒亦是汁酒。當緣汁轉平爲絺。

猶郗轉郗也。戲可平去。故劇亦音戲。古人讀郗亦與嘻近。故魯望借聲作詩耳。

錢省爲秦。○彭祖姓錢名鏗。轉注古音曰。錢本禾名。隸省爲秦。此說出國名記。楊龜山曰。論語稱老彭。謂老子彭祖也。武夷志錢鏗二子。長曰武。次曰夷。

揚自非揚。○升菴曰。晉有羊舌氏。叔向子伯石。食邑于揚。曰揚食我。晉旣滅羊舌氏。分其田爲三縣。曰平陽。曰楊氏。則羊也。陽也。揚也。同出一姓。揚子雲自以爲蜀無他揚。字不从木。而楊修曰。吾家子雲。特子雲好奇耳。智以姓亦何奇之有。古今渺莽。姓譜皆附會。其說不一。子雲自云姓揚甚明。楊修少年聰穎之筆。

考究未深。且古人凡事假借。故曰吾家子雲。今乃欲改子雲之姓。則何不攷揚州為揚乎。趙凡夫亦以子雲為木旁楊。皆坐此故。

司徒通作申徒。信都申屠。○司徒以官為氏。史記項梁立韓成為韓王。以張良為韓申徒。即司徒。莊子有申徒嘉。又有申徒狄。皆複姓。西漢申屠嘉。東漢申屠剛。與申徒同。宋羅璧識遺云。史通譏遷固。謂韓王名信都。亦誤矣。潛夫論拜良為信都。又曰信都者。司徒也。楚漢春秋作信都。注信音申。此與史記申徒可互推。古人信與申通。司因信轉之故。

堂谿即唐溪。○風俗通吳王夫槩奔楚。封堂谿。因為氏。延篤傳少從潁川唐溪典。受左氏傳。魏志曹勝在省闈。薦潁川堂谿典。即唐溪典。水經注作棠谿典。

鄧名世謬穆翟狄之疑。○黃潛筆記言鄧名世姓氏辨證。以穆為宋繆後。繆為秦穆後。非也。此因皮日休有秦穆謚謬論耳。如謬忌正作謬。而鄧亦不引。翟方進汝南人。而謂方進音迪。汝南之翟音宅。何自相矛盾耶。

稽嵇 ○呂覽秦賢者稽黃。漢貨殖稽發。黃帝臣泰山稽之後。稽康之姓則音奚。奚本夏車。正奚仲之後。康為上虞人。徙亳州。嵇山之下。遂為嵇。嵇紹在晉為鉅縣人。即今之宿州也。宿州有嵇山。說文嵇字乃因嵇氏而新附者。又複姓有溫嵇氏。後周耿豪

賜姓諸稽氏。洪洲奚姓之下失收稽。

洪昌洪果非洪氏。弘憲非弘氏。○客齋曰國朝所修姓源韻譜可矣。如五代有叅知政事洪昌洪果。皆劉龔之子。及晟嗣位。用為知政事。本連弘字。以國朝諱追改之。非姓洪也。洪慶喜序丹陽弘氏云有弘憲者。元和四年跋輞川圖。不知弘憲乃李吉甫之字。

三眷三祖。○五代史裴氏號東眷。居西涼者西眷。居河東者中眷。按唐宰相世系表。東眷有居道休。澈。埴。冕。度。西眷有寂。矩。中眷有光。廷。遵。度。樞。贄。又韋氏潛號西眷。穆號東眷。其號三祖者。則崔李鄭薛也。崔殷子雙為東祖。邯為西祖。寓為南祖。亦號中祖。李楷五子。叡為東祖。芬與弟勁共稱西祖。輯與弟晃共稱南祖。鄭溫子擘為北祖。簡為南祖。恬為中祖。薛懿三子。談號北祖。雕南祖。與西祖。見唐世系表。此言祖者。猶言宗也。

言夏子者。禹湯也。○徐樂傳。名何必夏子。服虔曰夏。禹也。子湯也。湯子姓。又如杜周傳。覽宗宣之饗國。韋昭曰宗。殷高宗也。宣周宣王也。

負郎彘。身郎厥。○漢有彘姐羌。見馮奉世傳。後合彘姐為彘音。陝近時有登進士者。御筆改為彘音。陝云。今字彘作負。从貝。訛也。博雅有鮑郎姐字。皆時造也。如漢賜衡山妾厥氏。集韻古作身。後又造留字。短也。留氏京兆人。今字彘作身。按古尚書。厥

作昏。以篆𠄎也。指厥音近。遂訛爲奇。

庫音赦。卽音庫之轉。○後漢竇融傳。金城守庫鈞。今字書音赦。不知古多魚模漸轉家麻。庫之爲赦。猶坪罅惡亞也。如晉中郎晏清音緩。蓋古煖音暄。莊子煖然音暄是也。煖或作暖。師古以爰書爲換。爲其音近。今吳人讀援如玩。

屯莫如音沌。○風俗通混沌太昊之良佐。因以爲氏。漢有屯莫如儒林傳作毛誤矣。沌卽屯。今洪洲通考姓氏。願韻遺收屯姓。又姓譜巨姓。引巨護之。今南史作垣護之。此非南史誤。蓋桓氏避欽宗諱。改爲巨氏。洪洲載紹興時甚明。升菴以爲南史誤。則又誤矣。

母嬰姓在麋韻。○升菴七麋載母嬰。開元含象亭十八學士之一。其後孟蜀有母嬰。多藏經史。號曰蜀本。宋末有母制機。亦名士。元瑞嘗譏丹鉛錄云。母昭裔孟蜀人。其子母嬰。藏書最富。今合此條。知升菴懶于嘗翻。正史喜閱小說。小說偶以嬰訛爲嬰。而遂以爲開元之母嬰耳。今王伯厚書亦嘗作母嬰。卽筆叢亦間作母嬰。豈便引用乎。或曰。安知非前人之誤。智謂新舊唐書皆作母嬰。董衡特作音訓。音嬰爲囧。蓋嬰之訛。竇萃亦音囧。揚公之誤明矣。然收母姓于麋韻。最是。洪洲止入有韻。而子謙竟不載矣。蓋有韻者。乃晉人之音。如易林中田膏黍。以享王母。後漢語前有召父。後有杜母。可証。元美作母嬰。收于虞韻。亦誤。

侈乃備之訛。○弇州說部載侈姓音多。漢侈宗。又載備音朋。漢南山盜備宗。此誤也。王莽時南山盜備宗。備或作崩。備備侈。六字通用。道昭洪洲皆詳。

朴姓音標。○六合有朴姓。自云音標。蓋出自高麗。智謂不準之。不古平聲。有讀為細聲者。故轉注略音彪。朴與不近。標又彪之轉也。

姓氏字音變易。有不得不因之者。○楊氏曰。如翫音萬。軒音呼。禡音喧。庫音赦。余本余而轉作入音蛇。也音彌也。切字皆生造。若嵐蜀吞艮。本桂姓。避仇而分為四字。伯厚音桂。道昭音携。厚無其字。他若響音盤。學音拱。渡音亥。糝音昨。俞音丑。覲音運。凶

音罪。夔音暴。蒼音孤。求之音義。了不可知。想前代吞之音天。亦此類乎。氏族書有吞景靈。晉有吞道元。與吞公牋。今類書引之。改吞作查。書叙指南所引。猶是吞字。蓋古天有汀真切。則吞有他前切。乃其理也。俞非從俞。乃說文玆姓而加之者也。爰音倒。乃叟字。古倭改人在上。作爰。遂書作夔。此姓苑之失也。然寔金姓鄙。而作寔。或本于党。蟲達本蠱省。而蠱又音治。孟獲讀莽獲。而莽何羅。乃以逆改。此中沿失。豈是一端。又言宣德中。王驥征麓川。有土司三人乞賜姓。驥以怕刀剝為三會姓。其後三人得華風。漸識字。改怕為帕。刀為刁。剝為隋。又有游商言隋為裂肉。乃改為多。諸如此類。莫可勝紀。是以姓氏一事。最難是正。不如

聽之

姓名 人名

不能盡載第取嘗所見而音釋未定與鈔刻訛異者或考論其分合則記之

有各本異載而實同者。○伏犧一作處義庖犧包犧炮義伏戲律歷志作炮義帝王世記作包犧莊子伏戲得之以襲氣母羅泌云名蒼牙姓苑伏勝伏后宓子賤皆伏羲後韻會作處子賤家語作宓不齊三國有秦宓古實通借而字書分處為虎兒宓安也遂成二音而竟以言處子賤者為誤泥矣姓韻一屋有處而四質無宓可證舊說作網取禽獸供庖厨故曰庖犧氏智按古包孚一聲如枹桴脬之類詳見卷首孚甫付伏故包伏亦相通

○神農神由崔希裕略古以神農作農董道錢譜作神由。○伊帆郎伊祈又作伊几古天子號或曰郎帝堯堯姓伊祈保定府完縣有伊祈山堯母所居周禮有伊耆氏疑古有此稱遂為職名。○大命郎大禹山海經舜稱帝俊禹稱命藝文志有大禹三十七篇字作命王氏引作命史記注禹名文命字密之類何可信也。○鼓叟郎瞽叟古今人表尚書作瞽瞍字書作北叟呂覽瞽叟伯厚升菴引作鼓機乃古篆之訛文然呂覽瞽叟亦瞽者通稱不必郎舜父也。○伯魃郎伯魃見書注升菴以歎為魃楚辭作魃尚書作魃字考作魃阮公堅之每據屈子以魃為寃智又因東坡言四族非四凶為左傳流傳之過益信其人殆剛直

抄道昭篇海耳。○柏譽虞書作伯與。人表作伯譽。○咎單尚書序作臯善。○末斯古文尚書作爰斯。○中芻仲忽。古今人表如張中。中山甫。於陵中子。皆仲字。周八士四產八男之說。向無所徵。今徵之董仲舒郊祭篇。包咸據此作注。○言於卽言偃。說文訖於蹇之兒。古人名。偃字子游。謂旗之九旂也。○卑湛古今人表作裨謔。○伯備卽伯服。周襄大夫。備音避。牛八歲曰備。有讀服篋爲避匿者。箠一作鞫。可知古人服與避爲一聲。○禽敖。齊有黔敖。古今人表作禽敖。○犁鉏。孔子世家。犁鉏請以女樂遺魯。韓非子作犁且。○申棠。筆乘曰。論語申枨。鄭氏云卽申續。史記申棠字周。家語申續字周。史記以棠爲黨。家語以續爲續。傳寫之訛也。後漢王政碑有羊羔之潔。無申棠之欲。以枨爲棠。則申枨申棠一人爾。開元封申黨召陵伯。又封申枨魯伯。宋祥符封枨文登侯。又封黨淄川侯。竝列從祀。嘉靖九年祀。止存枨。李士龍曰。棠字非音棠。棣之棠。蓋與枨卽一字而兩書耳。觀古文。臆亦作瞠。檟亦作櫟。鎗亦音鎗。六字竝音鎗。皆諧聲字也。枨亦音枨。本作穀。亦諧聲字。可見棠亦音枨。史記有申黨。無申棠。信訛也。智以古庚合陽。枨亦讀倉。故與棠近。考工之棠卽撐。可証。續則枨之入聲。○曾藏卽點。說文乃作臧。○巫馬旗卽巫馬期。見呂覽。○季次一作季沉。仲尼弟子季沉。游俠傳作季次。卽公皙哀。不肯爲家臣。子華子有季沉語。○曹劇卽洙。左傳曹劇。史

記作曹沫。柯之盟執七首劫齊桓。又作曹翹。因劇而訛。○甯戚
甯戊寧越。淮南子作甯戊。智按古鉞作戊。非戊已之戊也。史記
作甯越。一作寧越。通考作寧經。訛也。呂覽勿躬篇管子請以甯
邀爲大由。誘注卽甯戚。○屠蒯卽杜蕢。禮杜蕢自外來。鄭注或
作屠蒯。左傳作屠蒯。○文伯歎。左傳孟文伯穀。慶父孫。其父穆
伯。公孫敖也。娶苜曰戴已。生文伯。聲已生惠叔。禮記注文伯歎。
卽穀也。季悼之子公甫靖是穆伯。穆伯妻敬姜。生文伯。據世本
而文十五年。公孫敖之喪。亦有聲已帷堂而哭之之事。○逢蒙。
荀子呂覽俱作蠡門。王褒作逢門。七略作蠡蒙。古通用逢。逢後
別。○逢蒙之弟名鴻超。楊朱之弟名布。見列子。○亢倉卽庚桑。

莊庚桑楚老子弟子。列子聃弟子有亢倉子。今亢倉子書。乃唐
王士源作。孟浩然集序自言修亢倉子九篇。○精目。列子爰精
目。狐丘父之盜舖之。張衡應間旌瞽。注卽精目。○孰姑卽壽諸。
郝氏曰世本吳孰姑。徙句吳。注孰姑吳王壽夢也。春秋稱吳子
乘。或謂之乘諸。諸與姑。壽與孰。聲近。本一人。今之常孰姑蘇本
此。智按樂記封堯之後于祝。或爲鑄。後又省爲壽。宗吾本曰今
姓有壽。乃鑄之後。此足証孰姑卽壽諸之音。如唐初使突厥之
鄭元璠音束。則亦比人熟壽二字呼之爲一。故隨手以束字音
釋之。而胡三省據爲典故。不敢改耳。○史記左氏鱗設諸。相如
賦作劓諸。卽史專諸。○禮記世柳卽泄柳。○集韻遲任卽遲任。

○世本然王郎赧王。赧古人扇切。○示昧祈彌。卽提彌。左傳提彌明搏葵。史記作示昧明。索隱作祈彌。○考異有扈氏。古文作岢。漢書作戶。○有仍氏。卽有仍氏。見人表。○莫蹻。卽莫敖。蹻蹻亦與磬磬通。可証。字當作蹻。而想先又分爲二字。○穀於菟。音垢。鳥塗。今遂有鷓字。號字。卽孫叔敖。卽薦艾獵。列女傳作薦獵艾。永叔跋孫叔敖碑名饒。今字書又作穀。○無佞。穀梁作無駮。○裂繻。公羊作紀履繻。○州吁。穀梁作祝吁。○文十四年。晉人納捷菑。公羊卽杵臼。○屠顏賈。卽屠岸賈。○左趙盾弑彘。公作彘。○昭元年。齊國弱。公作國酌。○軒虎。公羊作罕虎。○公作成熊。穀作成虎。○夷昧。公羊作夷未。○郟宛。穀梁作郟宛。○

伯舉。公羊作伯莒。○陳孔奐。公作孔瑗。以古讀。援如玩。○意如。公羊作隱如。○弁瑀。琴操作卞和。○棼冒勃蘇。卽申包胥。見國策。棼乃申。音冒勃。乃包音。蘇乃胥音。○知過人。表作智果。○秦穆公時。方歎善相馬。莊子作九方歎。通作譚。音因。又音烟。李軌音身兮切。又作九方臯。韻會作一名臯。孫恂作歎。洪洲但云九方甄。作九方臯。旣漏。又誤。○薛燭。說劍者。抱朴子作薛灼。文選注薛蜀。○癰疽瘡環。說苑作雍睢。孟奇謂字書不相通。字書自不知古人之通也。趙岐謂瘡爲姓。孟奇謂瘡如巫疋之類。○顏讎。由孟子所主。史記作顏濁鄒。師古注。人表顏濁鄒。卽顏涿聚也。郭太謂左原曰。顏涿聚。梁甫之巨盜。段干木。楚國之大駟。卒

為忠賢。注見呂覽推讎由當與仇繇讎夷鳩夷聲轉。似因人形而呼之。疑濁鄒二字。亦是古方言醜語也。○石經孟子靈壽卽紙搨。見楊桓六書統。○鬼谷升菴以為卽鬼容區。又作史區。一統志曰姓王名謝。洪洲作名詡。其實儀秦所師。乃託言耳。烏有先生也。○郁釐。史記杞文公卒。弟平公鬱立。索隱作郁釐。引譙周云名郁來。然則青田之郁離子本此乎。○計然。計研。計倪。峯研。見史記及吳越春秋。卽辛文子。一曰名鈺。研之訛也。○孟卯。卽芒卯。戰國策人。孟獲亦讀莽獲。古讀孟浪可証。○呂覽商文與吳起語相事。史記作相田文與吳起語。漸子謂孟嘗封于商。愚謂嘗商音近相借。○召由。韓子作仇繇。修文御覽引呂覽曰

中山有瓜繇者。智伯欲攻之。遺以鐘。升菴引作風繇。則呂覽之訛本也。今本皆是夙繇。公由又作叻由。○呂氏春秋。荆人飲飛刺蛟。或作次非。馬融頌引作茲飛。注卽飲飛。漢武以為校尉之名。博物志注周日用曰。余嘗行經荆將軍墓。墓與羊角哀隣。昔安伯施云。為荆將軍所伐。乃在此也。其地乃苑陵之源。求見其墓碑。將軍名軻。字次非。豈古先有壯士次飛。而軻慕之以為字乎。此與管子之稱西施可互証也。○固乘。新序作固桑。說苑作古乘。人表云晉舩人固來。師古曰卽固乘也。見黃朝英說。○景璚。師古曰子何反。卽景荖。宋玉弟子也。今作差。洪洲載一作景慶。○南榮疇。卽南榮趯。漢表作疇。而莊子注音趯為疇。蓋侏張

卽倂張古音通也。○徐市卽徐福秦方士以童男女入海者市卽古芾字故與福音通陳水南曰今倭之北京有徐福祠亦自以福爲其祖也金仁山言日本云吳太伯後則吳亡其支庶入海。○赤麋卽赤着王莽傳。○苦哂賊名見朱雋傳九州春秋作苦哂。○悔母卽嫫母。○姐改黜已卽姐已字統作黜已說文有改女字也自當爲姐已而設。○公羊聖姜卽聲姜。○頃熊公穀以羸氏爲熊氏敬羸作頃熊或曰秦姓羸其先史作熊渠熊通可証。○閭須閭媿閭姝孟媿明媿閭娶魏策曰閭須南威之美荀子俛詩閭媿子奢莫之媒也楚策孫子賦閭姝子奢莫之媒今七諫謂閭媿爲醜惡哀帝命隴廉與孟媿同宮後語作明媿

因孟訛爲盟又訛爲明集韻引荀子閭娶則移體耳。○先施卽西施古先西通音國策魯連曰豈毛膚先施哉七發使先施陽文皆謂西施管子西施毛牆盛怒氣于面不能以爲可好管子去吳越數百年則古有此美人而越女慕之爲名耳莊子厲與西施司馬彪注云夏姬不知何據或夏姬亦名西施邪或曰或吳時人借此相美洪洲曰西施姓鄭名旦此不足據。○羅紉卽羅敷馬永卿言昌邑王妻中一人嚴羅紉紉音敷智按漢書昌邑傳臣敞故知執金吾嚴延年字長孫女羅紉前爲故王妻察故王清狂不惠師古曰紉音敷此卽慕羅敷之名而名之永卿引作紉又見誤本。○有謂莫愁非女者有謂曲名而以人當之

通雅

卷之二十一

姓名

十八

海山此非車

者。盧家其一也。河中女其一也。焦澹園爭莫愁爲白門拘矣。宋曾三異以石頭城在楚之郢中。今有莫愁村。智按三異說是。但石頭城爲今承天。承天非郢中。乃後周改爲郢中耳。三異又云曾見莫愁之像。有石本。衣冠甚古。乃古之神仙者流。非女子也。此姑勿論。石頭樂。臧質爲竟陵時所作。莫愁曲云。聞歡在揚州。相送楚山頭。楚山必在楚。澹園謂揚州近白門。則承天之客。不下揚州乎。唐人詩村近莫愁連竹塢。人歌楚些下蘋洲。則莫愁屬楚。梁武樂府云。河中女兒名莫愁。洛陽亦有莫愁。洱記云。莫愁乃曲名。而以人當之。仁寶言。宋有蘇小小。武林小說言。自古至今。凡有二十許名小小者。可以爲澹園爭莫愁解嘲。

有無字無名而後人考出者。○青陽帝。參高密。少昊名摯。字青陽。帝譽名。參成湯字高密。見帝王世紀。按山海經以帝俊山林爲舜林。而帝俊生后稷。郭璞注。又以爲。得毋附會者。因此兩訛邪。虛舟先生曰。古書錯訛。未可盡信。推論俊與舜聲近。○虞幕爲舜所自出。鄭語桓公爲司徒。簡於史伯中云。虞幕能聽協風。以成樂物。生者。韋弘嗣注。虞幕者。舜之後。虞思也。按虞幕爲舜所自出。史趙曰。自幕至於瞽叟。無違命。舜重之以明德。觀自幕至叟。及舜重之之語。則非舜後明矣。三國志韋昭字弘嗣。吳雲陽人。晉史作曜。避晉諱也。○許由槐里人。見莊子釋文。何子元云。字武仲。茂先謂司馬遷云。無堯讓許由事。揚子雲亦云。誇

大者為之。尚論曰舉為四岳而辭。智按無據。傳曰許大岳之後。許由亦棄官而隱者耳。○臯陶字庭堅。或引左傳臯陶庭堅。不祀。忽諸竝稱。則疑非一人。臯陶一作咎繇。鍾繇字元常。取咎繇。陳謨彰厥有常之義。世說庾翼謂鍾會曰何以望君。遙遙不至。蓋戲其父諱也。今人讀由非。○孤竹君姓墨名台。見孔叢子。注伯夷名允。一名元。字公信。叔齊名智。字公達。見論語疏。正義引春秋少陽篇。或曰姓墨胎氏。或曰其父名初。字子朝。姓纂墨氏。即墨胎。音着。孟奇曰國名記。墨台即禹之師。一曰墨怡。孔叢子注孤竹又有子。名伯遼。陳繼儒撰逸民史。而不能詳夷齊名氏。故為補之。智按地道記孤竹在肥如南。秦為離支。漢為令支。齊桓魯至其地。今山海關北十里有孤竹君墓。凡此皆附會。原當彷彿聽之。後周遼西人怡峯云本姓默台。○子產一名美。見左傳注。或云字子美。宋人詩話言人譏東坡詩用子美。不知正謂子產。○易牙名巫。見孔穎達左傳疏。何子元云名亞。則牙之轉音也。巫又亞之訛。占牙與互通。或音之訛。揚子作狄牙。不能齊不齊之口。即易牙也。○文種字子禽。見吳越春秋。呂覽注云文種字禽。楚鄞人。○孟軻字子輿。又字子居。見漢書竝孔叢子。又聖證論字子居。曾參字子輿。參當音參。乘之駮。今讀為森。子居或是車訛。車因輿訛。○孟子父母。孟子父孟孫激。公宣母姓仇。妻姓由。智按古掌字作爪。有反爪為爪之說。玉篇續考與字彙

皆作仇。皆因梁四公子之仇。啓也。晉有琅邪掌同。前涼掌據。○陳仲子字子終。見皇甫謐高士傳。○失馬塞翁姓李。見高谷詩序。此寓言也。而後人實之。○莊子字子休。見列子。注成元英疏。○杜康字仲寧。見魏武短歌行注。○西陽禱俎吳剛。李賀詩作吳質。○叔孫敖名饒。費補之云得延熹碑。封潘鄉。今固始也。歐陽公集古表之。○漢太公名熅。又名熅。後漢書注高祖父名熅。皇甫士安曰名熅。字執嘉。元美引作名熅。馬永卿曰唐宰相世系表叙劉氏所自出。言從大梁徙沛。生仁。號豐公。生懦。字執嘉。卽太公。懦音湍。○項伯名纏。字伯。見漢書注。○孔蔡卽叢。字表。右蓼夷侯孔蔡。以執盾。前元年從起碣。師古曰前元年。謂初起

之年。胡亥元年也。此卽史記所謂孔將軍居左者。○叔孫通名何。見楚漢春秋。○曹參字子敬。見博物志。史記注參字敬伯。參以敬言。故音駮。益知曾參之名。以參輿音駮。○丁公名固。見楚漢春秋。○申公名培。見史記注。○轅秉。崔廓。朱暉。周述。高士傳。東園公姓轅。名秉。字宣明。或云姓國。姓庚。姓韋。夏黃公崔廓字少通。或云名廊。綺里季朱暉。字文季。或云吳實。字子景。角里先生周述。字元道。或云字道元。又按東觀餘論園作圈。匡繆正俗有圈稱。陳留風俗傳云自序圈公之後。爲秦博士。避地南山。惠帝以爲司徒。今得漢石刻有云圈公神座。綺里季神坐。姓字書多以圈爲園公之後。周密又引留侯世家。注東園公姓唐。又言

太伯之後。周述字無道。元无相近也。玄元相近。而唐人避諱以玄爲元。通考所云姓庚。唐之訛也。姓韋。乃袁之訛也。崔廊。廊之訛也。又按周密引元道作无道。而今本史記注皆作元道。又索隱引陳留志。園公姓唐。字宣明。夏黃公姓崔。名廣。字少通。角里先生姓周。名術。字元道。京師號曰霸上先生。孔父秘記作祿里。皆王勃據崔氏周氏譜。及陶潛四八目而爲此說。○壺關三老。茂姓令狐。見荀悅漢記。令狐氏譜引之。○侯芭字鋪子。見論衡。○楊王孫名貴。見西京雜記。○伏生名勝。字子賤。見西漢碑。蓋祖伏羲與宓子賤。字說家言宓處非一字。而古人借聲从矣。○侯黼。葉少蘊云。漢金鄉侯長君碑云。諱成。字伯盛。防人當漢之興。濟太上皇于鴻溝。謚安國君。曾孫黼。封明統侯。光武中興。玄孫霸。爲大司徒。封於陵侯。此漢書所不詳者。智按從無黼字。當卽黼字耳。○張夷。陳心叔名疑曰。東方朔本姓張氏。父名夷。字少平。一曰金氏。朔母田氏。生三日。母亡。鄰母拾之。東方始明。以東方朔。見太平廣記。○黃子廉。黃潛筆記陶詩。昔有黃子廉。注引黃蓋傳。南陽太守子廉之後。按黃香之孫守亮。字子廉。爲南陽太守。○梓潼文君名參。成臯令任碑名胤。東觀餘論曰。文翁學生題名碑。其郡望有云江陽寧蜀。遂寧。晉原。以晉書志考之。江陽蜀置此郡。寧蜀遂寧。晉原。皆是宣武平蜀後置。周公禮殿記云。甲午年。故府梓潼文君。不審文君之名。予云。華陽國志載

文參字子奇梓潼人。平帝用爲益州太守。記中文君乃此人也。甲午乃光武建武十年云。且如漢成臯令任碑云。字伯嗣。又論水經與漢碑刻不同者多。如王純碑。道元注云。袁梁。又爲蜀國都尉。王君碑。道元注云。蜀都太守。姓王字子雅。又按文翁名黨字仲翁。見張崇文歷代小誌。○許靖爲子將從兄。卮言曰。真誥謂蜀司徒許靖字文休。是長史六世族祖。徵士邵字子將。是五世族祖。尤誤。按子將于文休爲從兄。俱知名。竝有人倫之稱。而私情不協。子將爲郡功曹。排擯不得齒叙。以馬磨自給。今注似靖與邵父子同也。黃長睿欲引以證黃庭之誤邪。○曹瞞一名吉利通。鑑許攸呼操曰某甲。三省注操一名吉利。○曹黠。三國志注裴松之曰。一狗憑默作疽囊。按陸魯望小名記作一狗憑黠作疽囊。以今測之。當以黠爲是。○楚狂接輿名陸通。見莊子注。智按列仙傳。會索盧木實及蕪菁子。隱峨嵋。尸子曰。接輿耕于方地。卽黃城山。楚詞曰。接輿髡首。聖賢冢墓記黃城山。卽沮溺耕處。下有東流。亦名苦菜山。○臣瓚姓傳。史記集解多引臣瓚。裴駟言臣瓚莫知姓氏。索隱以爲傅瓚。而劉孝標以爲于瓚。穆天子傳目錄云。傅瓚爲校書郎。與荀勗同校定穆天子傳。何法盛傳于瓚。不言有注漢書之事。按文紀注。臣瓚引祿秩令及茂陵書。姬并內官秩比二千石。茂陵書祿秩令。此二書亡失。不得過江。

明此當是晉中朝人。當是傅瓚。墨莊漫錄曰：校書郎中傅瓚。乃荀公會和嶠所部校穆天子傳官屬也。故取此傳以注漢書曰：臣瓚曾販彥和亦云云。可為確証。○君苗姓應。舊云君苗無姓。按應瑒有與從弟君苗書。則應氏昆仲矣。陸士龍與兄書曰：君苗見兄文。欲燒筆硯。○花卿名敬定。見舊唐書。元瑞以子美贈花卿。自是歌者。○張璪。卽僧一行。見續博物志。剡國公謹之孫。武功令檀之子。嫉武則天。出家嵩山。至天台國清寺。得算術。玄宗迎入光泰殿。辭官。出華嚴寺。定大衍曆。從幸新豐。端坐而逝。年四十四。謚大慧大師。建塔銅人原。始安張鳴鳳西遷注曰：新安西三十里。闕門鎮青龍山。有薛敦禮一行大卽塔銘。為張曲

江公季子。蓋唐有兩一行。皆姓張。此則沒于元和間。○無名僧。是梁補闕宗殆山谷云。後周以美官誘之。誓七不可。○東坡之號。蘇因白也。洪邁曰：白樂天在忠州。有東坡種花二詩。步東坡詩。子瞻自叙曰：平生自覺出處老大。粗似樂天。非東坡之名。偶爾同也。張和仲云：東坡祖名序。故作叙。王介甫初字介卿。父名蓋。故作蓋。又曰：老泉是子瞻號。智按：允明嘉祐集。十數年前有一老翁。蒼頭白髮。偃息泉上。就之則隱而入于泉。洵斃。建亭而為之銘。眉州志：老翁泉在驀頤山。東二十里。或允明時書其地名。而子瞻落款時亦偶書此地名耶。○飯伍員之女子。姓史。陳寔兩山墨談言：吳越春秋。瀨上擊綿女子。發其飯漿與員。投水

死。女子無姓氏。徐天祐亦無注。今讀李太白貞女碑。乃知女子史姓。溧陽黃山里人。清英潔白。事母純孝。手柔荑而不龜。其自投時。年三十矣。自守未適。唐時立祠其地云。溧陽今名三塌蕩。云子胥報恩。以金豆投之。水涸時。有得金豆者。人用之。即不利。○衛夫人名鑠。字茂漪。見翰墨志。李矩妻。充之母。恒之從妹。詳書法條。右軍師其法耳。後遂僞作弟子王逸少之帖。○綠珠姓梁。白州人。見小傳。今廣西志載之。博白縣綠珠井。在雙角山下。生女汲。此水洗之。

有姓名異音者。○敷手舜妹。史記正義親戚。謂弟象。妹顛手等。顛古果反。人表作敷手舜妃。女英作女營。孟奇引說文畫嫫。舜妹也。史正義作顛。又云繫畫始于嫫。故曰畫嫫。○女趨禹妃。塗山氏女。生啓。師古曰趨丘遥反。○不窟弃之子也。師古曰窟竹出。及曹參之子名窟。注音張律反。此一音也。○慶誦。鬻子曰湯得慶誦。伊尹。涅里且。東門虛。南門蠕。西門疵。北門側。七大夫。人表有慶節。公劉子。湯時人。或曰即誦。毛晃音怖。又平聲。上聲。謀也。博雅曰誦。諫也。五燈有禧誦禪師。曹操遣王誦拜孫策。策求將軍號。○隕歎音頽哀。○左哀二十一年有史黯。音於咸切。升菴曰汲黯亦當讀平聲。智以古每字四聲。亦當旁轉。特不盡用。黯之平聲是古時之讀法。或注者之方言。重其聲則為上聲。何必爭長孺之名乎。黯與闇暗俱通。亮陰作諒闇。康成讀鶻則闇。

郎菴音。古讀暗上聲。今中原呼暗去聲。凡如此類。學者但當知其原委。不在強从舊讀。郎用之詩賦。亦不必以古叶為奇也。咸亦有上聲。漢咸宣郎減宣。○檣杵。檣音稠。升菴曰。史記上有檣。著。下有伏龜。徐廣音稠。左傳檣戴。漢書藝文志有公檣生。師古。檣直由切。獨孟子檣杵音濤杵。蓋因陸德明九經釋音而誤也。智按古蕭尤二韻相轉。○寅音貞。周齊王子。○諸盞音宙。執之。第三聲。如西安整屋縣。則第一聲也。○狼睥。睥音沈。此侵韻轉上聲。郎沈字亦可平可上。○庚霰音叔。晉人。○曹劓時。師古曰。郎曹欣時。劓許其反。各字書無劓。惟龍龕書名作劓。丑脂切。又未引此名。○王子春。音擬。隸作薤。盛兒靈光賦。芝栢橫羅以戢春。

晉西河王子春。籀作音。集韻作𠄎。又音弋八切。○轉注略。戰國策人名有周最。才勾切。从日。从取。若最則从日也。愚謂此亦後人好事。○嫪毐音勞靄。升菴引俗言姻嫪。郎此嫪字。趙氏言毐。以此得聲。當讀如反字。戴氏讀如倒字。說文从士。因其謂人而臆說也。○酈食其。音歷。異飢。審食其。趙食其皆然。此蓋當時語。○鍾離昧。昧莫活切。投韓信者。今多誤作昧。○顛音外。漢北平侯顛。此郎說文聾。與呂覽顛涿。可以互推。○晁錯音措。史作鼂。錯。文中子作厝。玉海引隋志。朝錯集三卷。郎晁錯。○僕黠。黠音黠。黠音丁葛反。漢表有易侯僕黠。○金日磾。封秬侯。秬音如。日磾音密低。後漢有馬日磾。○李琴郎琴字。音琴。王莽掌牧大夫。

春秋有費彥父。○李催。古岳反。與郭汜同亂。今或誤讀作催。○
 鍾迪。鍾會誅。原毓子迪。官爵如故。裴松之曰。迪。物連反。今韻書
 皆失載。○吳孫休創八字。各其子。靈灣商迄冀舩舜賢鉅莽昱
舉寇袞攏攏按昱疑是昱。孫恂屋韻有龔。注吳王孫休三子名
 音祿。此時潢派。以五行相傳。禮部書名。皆以字配。金木水火土。
 後世又增無數奇字矣。○趙敞。牧犍。遣使建康獻雜書。及敦煌
 趙敞所撰甲寅元曆。各字書不載敞字。智謂卽斐。魏書李業與
 傳。以世行趙敞曆。節氣後辰下算。从匪文作敞可証。○郭磨音
 偷吞反。姚秦時人。善術數。○介定。說文曰。人在山上也。唐韻音
 市連切。輕舉兒。見蕭梁紀。有梁介定。為下所殺。比史有泉介。西

魏上洛公。○梁四公子傳。一曰蜀闖。上音攜。下音琛。入聲。二曰翫杰。上音

音下三曰裁齋。上音順。下音湍。四曰仇啓。上音掌。下音親。託名沈約可咲也。○

曹紹蔓。劉餗。隋唐嘉話曰。曹紹蔓。沈之弼。皆為大樂令。監享御

史有怒于蔓。而襍扣鐘磬。蔓暗名之。無誤者。蔓是夔訛。○李陽

冰音佞。以公為冰。冰卽凝。凝本去聲。戴氏以為公不成文。故加

水。當立凝字。宣和書譜。陽冰字少温。趙郡人。可知其名為冰。○

于頔音迪。唐山南節度。○懶殘可平聲。子元曰。東坡次韻。毛滂

芋火對懶殘。懶字作蘭讀。○柳玼問奇集音駢。因廣韻也。智按

說文玼步因切。孫恂云。又作蟻。而蟻珠妣嬪。有讀駢者。以古真

先韻通也。○李昇音弁。南唐主。宋有都轉運使李昇。與造西內。

通雅

○劉龔劉鋹。龔音儼。南漢主。自取飛龍于天之意。鋹音敞。降宋。
 ○馮瑩音坤。宋名將。朱氏古文奇字載瑩。古坤字。○張湜音昊。
 清兒。趙宋時有張湜。字清源。暹父人。著雲谷雜記。○万俟音
 墨其肩。諂秦檜者。唐有万俟著。因万俟之部落而為姓。北史有
 万俟支派。

有引古人訛。或時代誤而證出之者。○大師疵。少師疆。史記列
 大師疵。少師疆。于師摯八人之後。誤合兩事為一。智又按史記
 抱祭器歸周者。即太師疵。少師疆。而尚書微子篇亦稱父師少
 師。故訛傳微子抱祭器歸周。弋說曰。商立微子。周立伯邑考。則
 已矣。微子去國最先。不可以抱祭器歸周掩之。以為全宗祀者

非也。今得此證最快。○箕子名胥餘。比干名胥餘。見尸子。莊注
 司馬彪曰。箕子名胥餘。于莊本文不複耶。○君陳為周公之次
 子。索隱云。周公元子就封于魯。次子留相王室。代為周公。按即
 君陳。○重黎為火正。後或分合稱之。而復以其名名之。宋黃朝
 英緇素襍記曰。左傳以重為少皞氏叔。黎為顓頊氏子。則二人
 也。遷謂重黎為顓頊之曾孫。是一人也。按律曆志。火正犁司地。
 幽通賦云。犁醇耀于高辛。皆其證也。又許慎注淮南子云。祝融
 顓頊之孫。老童之子。吳回也。一名犁。為高辛氏火正。一云老童
 即卷章也。按楚世家。犁先祝融。其後吳回代之。則許慎誤矣。智
 謂古稱多同。或先有二人名重黎。或古重黎為官名。或又因名

名之。又按蘇子由古史云重出于少昊。黎出于高陽。當高陽之世。重黎實二人。至帝嚳世。火正兼稱重黎。重黎誅。而以吳回為重黎。然楚之先實黎而非重也。又曆書曰顓頊受之。乃命南正重。司天以屬神。命火正黎。司地以屬民。是遷亦以為二人。○共和不一。舊說為共平伯和伯。或曰又有周召秉政。一曰古有共伯名和者。厲王世之賢諸侯也。諸侯皆往宗焉。因以名其年。謂之共和。凡十四年。按汲冢紀年。共伯和干王位。故曰共和。左傳王子朝奔走告于諸侯。曰厲王戾虐。萬民弗忍。居于彘。諸侯失位。以間王政。宣王有志而後效官。則厲宣之間。諸侯有去其位而代父為政者矣。莊子曰共伯得乎丘首。釋文云共伯在河內共縣西。魯連子云共伯後歸于國。逍遙得意。共山之首。郡縣志衛州共城縣。本周共伯國。共伯奉王子靖立為宣王。共伯復歸于國。按正義以史記為二人者是。莊子註司馬彪曰共伯名和。修餘言與魯連子同。王伯厚主魯連子說。而王元美疑之。衛州共城縣。兩漢方有之。魯連亦贗書也。○闕止字子我。即宰我。遷不誤也。宰我死難。而曰與田常為亂。則誤矣。東坡言之。京山詳之。○竇鳴犢。舜華為二人。此史世家所載。家語曰殺竇犢。鳴犢及舜華。索隱曰竇犢字鳴犢。琴操與史同。戰國策顏師古說二人曰鳴犢。竇犢。說苑曰趙有鐸。各竇犢。舜華。或作慶華。通考但云作鳴鐸。作慶華。按以鳴犢為字。與犢甚叶。索隱說是。○古今

人表誤分士會范武子爲二人。宋陳善捫虱新話曰：范武子士會也。而古今人表置士會于中上，裂武子于上中，名且未識，能定其高下乎。法言曰：昔者顏回嘗晞夫子矣，正考父嘗晞尹吉甫矣，公子奚斯嘗晞正考父矣，此亦子雲之誤。據正考父本非作頌之人，而公子奚斯者，又但作寢廟而已，何所晞之有。其後王文考魯靈光殿賦，便云奚斯誦僖歌其路寢，此又可咲。然其誤已自子雲始。智按此言人表之誤是矣。後說子雲文考誤不當。古人語活，豈必正考父作頌而後晞之乎。又按人表兩士鞅一在上中，一在中下，同時不遠，同名者或有然不著名之人，又何取列之。以此知其誤耳。或曰人表是孟堅未竟業之書。○匡

續字子孝，隱廬山，漢或封之，故名匡廬。此載志書。吳曾引志字君平，又皇輿考方輿勝略廣輿記皆作匡俗。且有云字子希者。萬姓統譜作匡裕。唐類函亦作匡裕。按字子孝則取似續之意，當以續爲是。俗乃音之訛。希乃孝之訛。裕乃俗之訛耳。子孝兄弟七人，隱廬，周時人。元瑞以匡俗子希在玉笥，匡俗子孝在匡廬，又字君平，又字公季。此皆不悟前人之附會耳。○朱龜朱虬，漢隸朱龜碑，升菴作侏龜，音虬。智考諸金石無作龜。又碑文全在龜字，伯靈可証。龜茲音丘慈，則古龜與丘通音也。○田子春，仁寶曰：淵明詩聞有田子春，節義爲士雄，謂劉澤傳之田生也。晉灼曰：楚漢春秋田生，字子春。後人乃附會田疇，字子春。智按

三國志疇字子泰。各本皆然。而李氏藏書以疇字子春。詳陶擬古詩曰。辭家夙嚴駕。當往志無終。問君今何行。非商亦非戎。聞有田子春。節義爲士雄。斯人久已死。鄉里習其風。田疇乃無終人。後人徐無山。淵明所指正田疇也。田疇重春。故字子春。陶去三國世近。當確。今監本承訛耳。晉諱春。故孫盛名晉陽秋。○董無心。漢藝文志儒家董無心一卷。注稱難墨子。歷朝載之。宋吳秘嘗爲注釋。今其書不傳。馬總意林引纏子云。董無心者。言修而謬。蓋纏乃墨家。貶董自尊也。渙仲謂無心爲墨氏弟子。誤矣。○書史誤載陳驚坐。書史陳遵字孟公。三爲二千石。封嘉威侯。善篆隸。又云杜陵陳遵。西漢人。善篆隸。每書一坐皆驚。時人謂

之陳驚坐。又云五十六種書。周法象書。因素鱗躍舟所作。又云漢或遊昆明池。學士陳遵所作。不覺失笑。此緣唐張彥遠愛賓法書要錄而然也。齊王僧虔錄羊欣采古來能書人名列之。然止曰杜陵陳遵。而不別列三爲二千石之陳孟公。則知羊欣張彥遠所載。卽真孟公一人也。前書陳遵在游俠傳。字孟公。杜陵人。善書。與人尺牘。人皆藏去。以爲榮。韻會引爲藏弃。而新都虞公嘗用之。卽此事也。傳又曰。有同遵名字者。旣而非是。號爲陳驚坐。今以每書一坐皆驚。謂之陳驚坐。誤矣。敬元豈不讀漢書邪。或當時有小說而誤信之。愛賓因之。至鉅昌又載云。漢或遊昆明。學士陳遵所作。則陋甚矣。漢安得有學士之官名邪。○陳

仲躬野客叢談陳寔仲弓碑字仲躬。鄧艾碑作父古字通用。石經又用三德爲艾用三德是也。洪氏謂借作弓。正以古人通用。孟奇謂洪誤。則必當改仲弓爲仲躬邪。○有四世之字。五世之字。六世之字。孔平仲言王羲之子徽之。徽之子楨之。三世之字。元美以右軍子。六世之字。智按南史王悅之父靖之。祖獻之。乃四世之字。王裕之父茂之。祖胡之。裕之子瓚之。瓚之子季之。此五世之字。其六世者。王彪之子臨之。臨之子納之。納之子准之。准之子輿之。輿之子進之。平仲固陋。而元美亦誤。○鑑誤以蕭方等爲蕭方。盧鴻一爲盧鴻。佛方等經。蕭取爲名著。三十國春秋。厚齋云。綱目誤去等字。盧鴻一。取視雁者。以爲鴻。以爲乙。

而鑑誤去一字。○蔡融來鵬。長睿謂二人皆唐人。見丹陽集。元瑞以二子皆晚唐人。融集見通志。鵬集今尚傳。丹陽集。殷璠所輯。十八人。皆高岑先後編次之時。二子蓋未生也。智按東觀餘論作來朋。或當時更見一丹陽集邪。○虎溪三咲。本不同時。白蓮結社。亦不必一日聚也。楊鐵崖疑三咲。智按宋樓鑰。以吳筠簡寂觀碑斷矣。王禕曰。晉義熙十二年丙辰。遠公八十二卒。宋元徽五年丙辰。陸修靜七十三卒。相去六十載。元嘉末。陸來廬山。遠陶死二三十年。安得三咲。自長公作三咲圖贊。而山谷實之。又考東林結蓮社。在晉或太元十五年庚寅。至義熙七年辛亥。生公入社。宋景平元年癸亥。周續之四十七卒。元嘉二十

年癸未。宗炳六十九卒。戊子雷次宗六十三卒。當結社歲。續之才十三。炳才十四。次宗四歲耳。蓋總計也。一曰佳話聽之可。禮三不諱。雅音無避。後世諱名大泥。隔代猶避之謬矣。○諱名說曰。郝京山云。秦皇名政。發正月之聲。正言爲端言。漢高名邦。改國。呂雉改野雞。文帝名恒改常山。景帝啓改微子開。成帝名徹改蒯通通侯。宣帝名詢改孫卿。光武名秀改茂才。明帝名莊改老嚴鄭嚴。殤帝名隆改隆盧爲林盧。安帝名慶改慶氏爲賀氏。吳太子名和改禾興爲嘉興。晉文名昭改韶穆。明君。三國志愍帝名業。建業改建康。簡文鄭后名阿春。春秋改陽秋。富春改富陽。田子春爲子泰。梁或名阿練。呼練爲絹。隋煬名廣。廣陵爲江都。唐高祖名虎。虎賁虎林改或。避太宗改世爲代。民爲人。民部爲戶部。高宗名治改理。代宗名豫。豫章改鍾陵。宋英宗名曙。薯預改爲山藥。唐德宗名适。栝州改處州。石晉敬瑭。拆敬爲文氏。苟氏。孝元后父名禁。改禁中爲省中。劉安父名長。淮南書長改修。遷史改談爲同。李翱祖父名楚金。改今爲茲。晉世子毗。毗陵改晉陵。錢鏐改石榴爲金櫻。劉氏改金氏。揚行密時呼蜜爲蜂糖。賈魯以父名至中。不拜中書舍人。李賀父名晉肅。元稹譏之不赴進士。柳公綽以祖諱。不拜禮計尚書。李涵爲太子少傅。呂滑劾其不避父名。劉温叟以父諱嶽。不聽絲竹。桓氏以王忱呼温酒。流涕嗚咽。劉道隆索鳳毛。謝超宗徒跣還內。由是論之。

通雅
卷之二十一
當法孔子二名不偏諱。言徵不言在是也。孔安國鄭氏曰。讀書正言其音。毋有所諱。文王名昌。詩雖曰克昌厥後。書曰使羞其行而邦其昌。周禮曰昌本之俎。或王名發。詩噫嘻曰駿發爾私。商頌曰長發。幽風曰感發。成王名誦。而崧高曰吉甫作誦。厲王名胡。而宣王詩曰胡不相畏。胡爲虬螭。后稷名棄。書大誥曰弗棄基。莊公名同。而書同盟。僖公名申。而書戊申。定公名宋。而書宋仲幾。孔子父叔梁紇。而書臧孫紇。獻或廢二山。而具敖亦錯見左傳也。詩書不諱。臨文不諱。廟中不諱。卒哭乃諱。如子滿之。不當臨哭呼滅。周人不得斥言文王昌。或王發耳。

通雅卷之二十一終

通雅卷之二十一

桐山方以智密之輯著

同里姚文燮經三較訂

姓名 同姓名

同時及異代同姓名。○湘東王有同姓名錄。如顏回爲羌帥。曾參爲市人。平原哭墮井之毛遂。翟公疑秋胡不許婚是也。卮言列之。兩韓信。俱高時。一楚王。一韓王。智按史通言名信都。又誤矣。三召平。一故秦東陵侯。一爲陳王上柱國。一齊相。按爲陳王柱國。謂爲陳齊王相。見齊哀王傳。恐東陵侯卽陳封者。秦勝徇廣陵者。見項籍傳。自王翦父子外。少微侯矣。不應有東陵侯。兩王候。俱或帝時。一浩侯。一大行謀誘比軍者。兩王臧。或帝朝。一郎中令。二季自

通雅

卷之二十一 姓名

一

桐山北歲年

殺。一六季為太常。兩王商。俱成帝外戚。一丞相樂昌侯。一成都侯。兩王章。俱哀帝時。一建平三季為右將軍。一四季為京兆直
 言。兩王崇。俱平帝時。一丞相嘉子。一大司空扶平侯。兩王莽。
 一見霍光傳。崇禎時見賀無黨疏用之。相公不知而擬票切責。魏兩王烈。一字彥方。化
 盜。一有道術。調嵇康不遇者。兩王渾。一戎父。一濟父。兩王澄。一
 濟弟。一戎從弟。兩孫秀。一吳降將。一趙王倫嬖臣。俱驃騎封侯。
 兩周撫。一王敦將。一彭城內史誅。梁兩王琳。一散騎常侍。一德
 州刺史。唐兩李光進。俱代宗朝。一為光弼弟。一為光顏兄。俱蕃
 將。賜姓為節度封公。兩李繼昭。俱昭宗時。一為孫德昭。一為符
 道昭。俱賜姓名。降朱梁為使相。宋兩王著。俱太祖時。一以文學

典制。一以書學待詔。又曰兩慶忌。一王僚子。一夫差將。智按山

走日慶忌。呼其名。可使兩莊躄。一莊王時盜。一莊王裔孫。平滇。千里徑報故人取名。

兩王鳳。一元后父。一為夏始成國上公。兩王譚。一宓春侯。一平

阿侯。兩徐幹。一作中論。一班超司馬。智按張懷瓘載徐幹字伯

之。蘇班皆為張晉兩劉毅。一光祿大夫。一衛將軍。兩張禹。一丞

相。一太傅。俱封侯。兩解系。一見陶璜傳。一自有傳。兩王愷。一戎

帝舅。一安帝時為丹陽尹。兩蕭鈞。一蕭鸞子。一蕭瑀從子。元兩

伯顏。一太傅淮陽王。一大丞相秦王。兩張昌宗。一高宗初學士。

一則天時。兩王方慶。一則天時相。一領尚藥奉御。若異代同姓

名者。兩王肅。一曹魏。一元魏。兩王彥章。一梁將。一吳統軍。兩王

通雅 卷之三十一 姓名 二 孚山止齋

溥。一唐懿宗朝。一周世宗相。兩李通。一漢一魏。兩王孫賈。一魏大夫。一齊大夫。兩徐邈。一魏字景山。一晉字仙民。兩張遼。一魏一漢。兩江革。一漢一晉。三李密。一養祖母。一後魏。一隋末。又不杜此例。則元瑞所彙。有八李祐。六李福。四李晟。李紳。豈止兩副座頭。俱李益耶。元瑞曰。三孫子。三鄒子。世所共知。又有不得不辯者。二孔甲。一黃帝史。一仲尼孫。俱著書名盤盂。一載藝文志。一附孔叢子。二牟融。一漢大尉。一布衣。俱書曰牟子。一載隋藝文志。一附弘明集。中今藝文志之牟子不傳。而弘明集之牟子傳。遂以釋之。牟子傳。儒之牟子矣。又夏帝名孔甲。而唐詩人有牟融。尤奇。孔叢之盤盂。疑崇文目誤。而弘明之牟子。余疑為偽。兩嚴遵。一君平。一子陵。皆易姓。若平一名尊。一名子。余疑為偽。兩樊崇。俱賊帥。一赤眉。一尤耒。兩李奇。俱賊將。一

屬王郎。一屬公孫。宋兩李定。一彈蘇子美。一彈子瞻。李定。劾蘇

子語錄。兩韓文公。一昌黎。一南唐熙載。兩少室山人。一李筌。一李

渤。兩呂東萊。祖居仁。孫伯恭。俱以東萊名集。兩石林居士。一吳

縣人。佖執政。見宋史。一松江人。官至尚書。見一統志。皆名夢得。皆徙湖州。

陸文裕外集載之。此亦漢之兩杜子夏也。兩李商隱。一玄宗朝。見舊唐書。一義山。兩

李抱真。一抱玉弟。一李匡威寮屬。兩李克寧。一李澄子。一克用

弟。兩李伯禽。一太白子。一見通幽記。智按此類甚多。如史記兩

淳于髡。一見孟子傳後。一見滑稽三國志。兩王雙。蜀斬王雙。而

吳亦斬其將王雙。必二人也。陶弘景刀劍錄有王雙。與曹真換

刀。王胡皆未載。然胡所編為功亦夥。洪洲全搜。依然有漏。惟取

全史作通編始成全書。今特撮其要者。以便觀覽耳。向聞甬東有同姓名錄。萬曆間人。又南昌宗侯統禧有同姓名錄十卷。專門輯此。廣昌劉大千作古今代譜。亦集之。須資其本再考焉。

七修類藁言漢高帝有謁者貢禹。成帝時王褒朱買臣。元帝時有尚書左僕射王褒。成昌太守朱買臣。智又按梁元帝遣朱買

臣。嘗以楊何弟子之京房。宣帝時。公孫康所遣之張敞。在度傳。最易

混目。近見人論賈充之父通經。漢臘之人非譙。則以兩賈達。兩

陳咸為一矣。達一漢人。一魏人。咸一相人。見陳寵傳。諸公擿辯。大有益于

學者。元瑞言五王褒而漢有三。一字子淵。成帝時人。上得賢臣

頌者。一字子澄。成帝時人。得道治王屋山。與郊祀志之王褒為

三。又後周王褒。字子淵。唐避諱。改子深。智按郊祀志者。即五行

志之天帝使我居此者。以上得賢臣頌之王褒。為成帝時則非

矣。褒傳魏相奏知音趙定。龔德等。刺益州。王襄乃請子淵作中

和樂章。乃徵之。此宣帝時人。元瑞又言三王建。一晚唐詩人。一唐末。據蜀。一石

晉隸州刺史。見唐餘紀。前漢表元延元季。有廣陵太守王建。為京兆尹。反

遣之。而路史言有十餘。可見淹攷一事。須暇豫彊識。藏書最富。

乃能勝任耳。路史曰昔聞唐堯虞舜矣。梁史又有虞舜。官丞太

常。薦明堂之議。而漢夏有唐堯為臨。成。長。堯舜而可名哉。予既

述祝融。共工。帝魁。青陽。高陽。渾敦。夏后啓。商湯。有巢。豕韋之。不

同矣。如劉弘。王褒。皆有十一。張良有九。而張敞。王吉。皆有八。士

匈相鞅。壽夢。臣越。書才四代。載兩伯夷。而論語有兩南宮适。王

羲之仕苻健。張華之佐慕容德。皆其類也。蕭繹。陸善終。俱著同姓名錄。然特不能包刺。請誦其涉史曰。古有庸成氏。而黃帝臣亦曰庸成。伏羲曰蒼牙。而天雷之吏亦曰蒼牙。羲臣曰巫咸。而未父商家。帝臣曰朱宣。而為唐刺濮。離婁事黃帝。則論彼商臣。張若事黃帝。則指夫秦士。趙隱仕商國。而亟舉魏賢。馮夷友費昌。而竟談河伯。觀叔均而思稷子。山海經商均曰叔均。見習朋而思齊臣。贊風后而為軒師。禹時有風后。疑伍胥為楚族。黃帝臣有伍胥。謂赤松為炎帝諸侯。王初平亦號赤松。季連為柳惠等伍。陸終之子曰季連。又季克之子亦名。仲衍為戲之弟。紂兄亦曰仲衍。孔甲為孔子之孫。孔子八世孫名鮒。帝嚳之臣有窮之君。俱曰羿。以射名。少昊之子。魯國之士。皆曰般。以巧著。虞仲之

孫。實曰虞仲。蔡昭侯申。實蔡文侯申。曾孫之子也。漢趙王如意

而廣宗又名之。唐義成曰琮矣。而奉天又名之。鬱林曰恪矣。而

建王又名之。此何為邪。晉王氏一譜有兩渾。昶子兩愷。一字茂

君兩綏。愉子兩又。緒父兩澄。濟弟兩處仲。一濇字兩安期。湛子

豈惟他族慕用。而無識哉。智按所云兩渾之類非矣。晉書昶子

渾。字玄冲。太原晉陽人。渾弟湛。去聲字處冲。非處仲也。王濬冲父

渾。乃瑯琊臨沂人。澄字平子。而王玄冲之弟亦名澄。身得謂大

原王。瑯琊王。為一族乎。其曰漢唐堯為臨邑長者亦誤。按後漢

書和帝紀。舊南海獻龍眼荔枝。以臨邑長唐羌上狀。省之。章懷

汪云。羌得報。即棄官還家。今乃以羌為堯。注止引范志。范乃據

後漢書羅偶見本訛耳。且堯舜為名甚多。不足異也。漢趙堯。趙禹。張禹。絮舜。又永光元年。大司農堯。元延元年。護軍都尉甄舜。綏和二季。執金吾謝堯。為大鴻臚。宋制科題有堯舜禹湯所舉。何如。乃魏相引高帝時言。宮中謁者趙堯舉春。李舜舉夏。倪湯舉秋。貢禹舉冬。各職天子所服也。如此類。可盡數邪。又按有同名稱。不必實同姓名者。有四孔子。朱張楊震。劉現。迦葉。三顏子。孔融。王憲。兒童。四曾子。漢成都張霜。號張曾子。北朝南昌滕曇恭。號滕曾子。平棘李士謙。其伯父楊曰吾曾子。唐桐廬陳京曰如曾子。孟子字子輿。曾子亦字子輿。孔伋字子思。秦人樊級亦字子思。級亦從學聖門。如是者亦不可勝數。

兩羿。○一弑夏后者。一堯時射落九鳥者。見天問注。或以琴譜之。羿為三蓋。即有窮也。說文引彗善射。按其辭曰。羿射日落九鳥。以羿射為句。一日而落九鳥。非射日也。後人誤讀耳。

扁鵲。秦少齊。○成式笑任道昇呼扁鵲為扁。後讀甄大言本艸。引曹憲音布典反。乃信之。又言扁鵲姓秦。字越人。扁縣。郡屬渤海。智按地志無扁縣。而周禮釋文引史記姓秦。名少齊。越人。此為近之。然今史記無少齊二字。其曰扁鵲者。黃帝時有扁鵲。而秦越人在戰國時。人號之為扁鵲。今所傳難經。乃越人作。非黃帝之扁鵲也。託名耳。宋雷斅作炮炙三卷。亦非黃帝時之雷公。漢志有黃帝扁鵲俞附方。隋志有雷公注神農本艸四卷。此乃

非戰國之越人。宋之雷敷。然必偽託者。師古注人表。輪邊卽輪扁。扁音偏。足知古皆平聲。其作鵬者。海篇之誤收也。

兩士句。○昭六年左傳齊侯如晉。請伐北葵也。士句相士鞅逆諸河。禮也。疏曰士句是范宣子。卽士鞅之父也。不應取其父同

姓名人以為介。董遇王肅本作王正為是。王元規云古人質口不言耳。何妨為介。按士文伯是士鞅之族。亦名句。今相范鞅卽

文伯也。魯仲嬰齊莊之孫。卽公孫嬰齊之從祖。鄭公孫段字子石。而印段亦字子石。古人自不為嫌。

兩張祿。○范睢入秦為張祿。學者蓋不知秦先時自有張祿也。初孟嘗君悅張祿先生。奉之黃金文織。祿辭不受。謂孟嘗君曰

秦四塞國也。遊宦者不得入焉。願為吾為丈尺之書。寄我于秦王。徃而遇乎。固君之人也。徃而不遇乎。雖人求閒謀。固不遇矣。

孟嘗君因為之書。寄之秦王。徃而大遇。考田文之卒。在范睢未入秦之先。則張祿入秦居睢前久矣。睢入秦。踵名張祿。豈祿嘗

有聞于諸侯。秦特令睢冒其名。以誑鄰國邪。此筆乘抄之兩山墨談者。

五公孫弘。○一在齊為孟嘗君見秦昭王。一在中山為參乘。言司馬喜相求。其一在越斷髮。其一為漢平津侯。其一明帝時幽

州從事。交通楚王英。見虞延傳。弘字次卿。見鄒長倩書。此平津侯也。

著書之張萬福。不必或將。又代之酈炎集。不必東漢之文勝也。
 ○長睿譏崇文總目張萬福。唐人有傳。而云不詳何代人。酈炎
 集當在前。謂為宇文勝者也。按有三張萬福。一德宗朝救陽城
 人所共知者。一與柳芳同時。見酉陽雜俎第七卷。以醫名。一撰
 五等朝儀。見通志略。乃道家者流。又通志五代有酈炎集。後漢
 亦有酈炎集。或五代時有同名者。未可知也。升菴以薛仁貴能
 詩。安知不更有一仁貴耶。正與張酈同類。

兩智永。○元美曰。一梁畫僧。一宋畫僧。按智永禪師。右軍徽之
 後。安西成王諮議彥祖之孫。廬陵王胄。昱之子。謝少卿之外孫
 也。與兄少賓俱出家。當梁時。歷陳閱隋。季百餘。乃終。研北志云

智永本名法極。但著心成頌。其一無所為。而姑以筆麓游于天
 地之間者乎。宋智永見鄧椿公壽。畫繼成都僧也。宇文季蒙龍
 圖。請任院。永辭曰。永親在。未能也。嘗作瀟湘夜雨圖。上邵西山

姓名 鬼神

鍾馗。一作鍾葵。終葵。○唐人題吳道子畫鍾馗曰。明皇驪山還
 宮不懌。因疴夢大鬼制小鬼。吳道子畫之。熙寧五年。上令画工
 模搨錢版。印賜兩府輔臣各一本。是歲除夜。遣入內供奉官梁
 楷。就東西府給賜鍾馗之象。觀此題。似始于開元。李石曰。北史
 堯暄。本名鍾葵。字辟邪。于勁字鍾葵。宋宗慤母妹名鍾葵。按皇
 祐中。金陵上元縣發一塚。有一石志。乃宋征西將軍宗懿母鄭

夫人之墓。漢大司農鄭眾女也。懿有妹名鍾馗。智以此即李石所云宗慤妹。懿慤字近也。漢鄭眾相去遠。或其曾孫女乎。後漢有李鍾馗。隋將有喬鍾馗。楊鍾馗。然則鍾馗之名。非起開元。升菴引杼上鍾葵首。鍾葵菜。止證其有此諛語也。元瑞曰六朝已有鍾馗。後人附會作傳。諸取名者。皆以鬼神為名也。硯石鍾馗。以其形耳。周禮注齊人謂椎曰終葵。

神茶一作茶。與鬱壘鬱雷鬱樞鬱律。○山海經二神。神茶鬱壘。升菴引風俗通作鬱律。陸法言韵壘音律。神茶者神舒也。沈休文曰鬱壘者屈律也。又為驪驪。王充云鬱壘嶷嶷之類。沈又作驪驪。古文作宛崱。智按演繁露曰東海度朔山大桃二神。一曰

茶與。一曰鬱雷。王楙作鬱樞。引括地志曰度朔桃二神一名鬱。一名樞。鬱壘屈律音轉。隨人分合。隨人書名耳。唐人尚有屈律語。紀事曰田八二十一。果頭三屈律。言黃巢也。

夔毅儼鬼。○東方朔罵鬼書。有夔毅儼倅之名。按即果毅二字。後人造此字以名鬼耳。陳無功引作夔毅儼鬼。或曰夔音拂。

竈凶一作竈囟。○禘俎人影九重皆有名。第七重曰竈凶。以其么小而幻。故作凶。音么

回祿。謂吳回祿終也。○吳曾曰楚世家云纘項生稱。稱生卷童。童生重黎。黎為高辛氏火正。帝嚳命曰祝融。共工氏作亂。帝嚳使重黎誅之不盡。帝乃以庚寅日誅重黎。而以其弟吳回為重

黎後復居火正為祝融。吳回生陸終。終生子六人。六曰季連。楚其後也。可知祝融後為吳回陸終。回祿合稱。祿陸音通也。故今稱火災曰回祿。

張僊乃孟昶。○花蓋夫人入宋宮。懸故主蜀王挾彈圖于壁。即孟昶也。藝祖詰焉。夫人曰蜀祀張僊神。令人有子。蜀人劉希召秋官說。蘇老泉時去孟蜀近。應知之。

水神屬陰。故曰天妃。今以為林氏。○天妃宮。江淮閒濱海多有之。其女子三人。俗傳神姓林氏。遂實以為靈素三女。太虛之中惟天為大。地次之。故天稱皇。地稱后。海次於地者。宜稱妃耳。蓋所祀者海神也。元用海運。故其祀為重。司馬溫公謂水陰類。神

當為女子。或云宋宣和中遣使高麗。遭颶風。賴神以免。使者路允迪言于朝。始有祀。一統志云天妃宋巡檢林愿女。按宋時巡檢今都撫類。

馮夷河伯。有多名。○穆天子傳作無夷。山海經作冰夷。河圖言姓呂名夷。淮南作馮遲。音憑金匱言名馮循。元瑞曰竹書洛伯

用。與河伯馮夷闢。河伯自為諸侯。而馮夷原諸侯姓名。智又按淮南馮夷大丙之御。容齋隨筆曰此別一馮夷。或諸侯同名。干寶言宋時弘農馮夷。八月上庚溺死。天帝署為河伯。五行書曰河伯庚辰日死。不可治船遠行。梁簡文帝船神記云。船神馮耳。智按俗呼耳。與以混。故馮夷訛馮耳。河自神。而名則附會也。

梓童神張亞子。一作蛩子。○其所注化書名揮。始造弦。張網羅。因以張爲姓。張仲事宣王。幽王初。以直諫賜死。爲雪山神。尋爲趙王如意。又生嫁張翁。陷城邑。救父母。以殺多譴。爲邛池龍。遇釋迦脫罪。又生西晉時。跨白驢去。又見姚萇。按王氏見聞所載。陷河神張惡子事略類。惟云雋州。不言邛池。北夢瑣言梓潼張蛩子神。乃五丁拔蛇之所也。一統志建炎以來景封。晏公爲水神。○元人尸解。江楚祀之。明封爲平浪侯。

楊回卽王母。○集仙傳言王母姓侯。而西陽襍俎言王母姓楊名回。字婉妘。按郭璞注爾雅。以西王母在西。山海經言虎齒有尾。曰西王母。此謂外國之人耳。穆天子傳西王母。正如外國之君。長後乃附會以與東王公相對。

麻姑兩說。○建昌府志麻姑爲王方平之妹。而黃州志云麻姑乃石勒麻秋之女。魯公碑降括蒼蔡經家。建昌志又云降吳門蔡經家。此魯公筆神耳。

城陽景王。江左憤王。江神子胥。漢壽關帝。水府屈子。○卮言曰古稱生爲名臣。歿爲名神。其最炳著者。北土則城陽景王。江左項王神。於吳興尤烈。及江神伍員。按景王卽朱虛侯劉章。平呂氏亂。封王。二季而卒。項羽據吳興。太守正衙爲祠。太守履任。殺車牛祭。不然卽死。而臨汝侯蕭猷。至每享神。對飲。神像亦色赭。嘗爲猷破盜。智又按南史蕭琛傳。吳興名項羽爲憤王。琛遷之。

于廟。李無恙云。子胥有素車白馬驅江潮之異。故祀爲江神。唐狄仁傑采訪江南。盡毀諸淫祠。獨留員及泰伯季札祠。而移檄項王毀其廟。按吳興項王碑陰。有顏魯公題云。西楚霸王。秦末與叔梁避仇吳中。蓋湖州也。觀此題。則顏公時廟尚在。豈狄公既毀。而湖人竟復之邪。關壯繆侯羽。至隋世于荊州玉泉寺見靈跡。至宋崇寧時。帝勅天師張虛靖。召關羽破蚩尤。復塩池。見靈。遂封崇寧真君。永樂北征。本雅失理。經濶灤海。幹難河。勒銘禽巫山。每見神前驅如關公。其馬白凱。還居民言有白馬大正陽門殿。至暮汗出。乃制崇祀。五月十三祭。萬曆四十二年。遣司禮李恩。捧旒袍封大帝。水府廟爲屈平大夫。各處祀之。

張天師。陵之後也。○正一嗣教大真人張氏。始祖張陵。與張角同法。持九節杖爲符。祝病人叩頭思過。以符水飲之。爲三符。一著山上。言天也。一埋地。一沈水。曰三官。病者家出五斗米。智按三國志裴注。角事露。至反。族滅。而陵在蜀僻。傳子衡。孫魯。遂據蜀。漢垂三十季。曹操破之。請降封侯。傳國至唐宋間。復世掌道教。李膺蜀記云。張陵避瘧丘社。得咒鬼書。遂解使鬼入鵠鳴山。自稱天師。漢熹平末。爲蟒蛇所噙。子衡奔走尋屍無所。乃假設權方。以表靈化。生縻雀跡。置古崖頂。光和二季。遣信告曰。正月七日。天師昇玄都。衡爲係師。魯爲嗣師。以遂惑天下。李膺非元禮。漢蓋有兩張衡。兩李膺也。而隋又有張衡。南史又有子平。張

衡亦字子平。為漢刺史仙去。道家因附會之。

靈濟二真君。○太宗嘗夢二神人言南處海濱。來輔家國。明日禮官言閩中靈濟二真君事。遂遣使函香請神像。作宮祀之。英宗初加封。記稱南唐義祖之子知證。封江王。知諤。封饒王。按南唐書。知證後封魏王。

真武帝君。碧霞元君。○武當岱嶽。今最感重。永樂建真武廟于太和山。幾塌府庫。設大瑞及藩司守之。而二廟歲入香銀亦以萬計。真武封號且百字。蓋北方玄武神。以避宋宣祖諱。改真武。龜蛇表北方耳。碧霞元君。起于華山小石池。冬夏不涸。號玉女洗頭盆。因附會為王母七女。訛而為泰山。按神異經云。西方大

荒中。有聖人焉。長丈。腹圍九尺。踐龜蛇。戴朱鳥。然則後人于大石中得龜蛇像。歸之真武者。疑卽此徵也。若謂神農時有淨樂國王皇后之說。尤不經矣。武當又有謝允仙事。故名謝羅山。甄異記甚詳。而酈善長謂為羅令。續搜神記言謝允從武當山。在桓宣武坐。言及左元放為曹公致鱸事。

老子名號。○名耳。字伯陽。一名雅。字伯宗。一名志。字伯光。一名石。字孟公。一名重。字子文。一名定。字元陽。一名元。字百始。一名

顯。字元生。一名德。字伯文。玄妙篇云。初。生時名玄祿。其化生曰萬法天師。曰

盤古先生。有古大先生。曰鬱華子。曰大成子。曰廣成子。曰隨應子。曰赤精子。曰錄圖子。曰務成子。曰尹壽子。曰真行子。曰錫則

子。曰爨邑子。曰育成子。曰經成子。曰郭叔子。曰河上公。云三皇時曰玄中法師。金闕帝君。或云化爲范蠡。又云周茂王時爲守藏史。昭王時過函谷關。又降蜀青羊肆。會尹喜同渡流沙。穆王時復還中夏。平王時復出關開化蘇鄰諸國。還中夏。秦時兩度散關。蓋過函谷者一。而出散關者三。老子母曰玄姪玉女。亦稱尹氏。化胡經稱老子投淨妙夫人體爲釋迦。顧歡所舉者也。又按前涼錄。老子父名乾。字元杲。遷疑聃卽太史儋。班因以太史儋列中上。與孟子同時。而孔子時無聃。

王喬不一。○七修類稿曰。漢明帝時。葉令王喬。乃飛鳥者。周時王子喬。乃吹笙者。神仙傳蜀人王喬。乃食肉芝者。史記封禪書注。緱氏仙人庵王僑。隸爲汝陽人。凡四王喬。元美載二。元瑞載三。王子喬卽晉王非。姓也。又王喬有弟。周益公跋大臯渡永興觀舊碑。王仙諱子繇。字大臯。廬陵有王山。王田村。嘉福觀。大臯度。值夏市。皆其迹也。碑謂晉永嘉飛升。而郡人葛藻岷云。漢王喬至晉永嘉二百餘年。按湘東王古今同姓名錄。有晉廬陵太守王喬。仙其太守弟。而大臯爲渡。略見南史。乾通五季記。羨門。○司馬相如傳。注羨門。偃石山。十仙人。羨門高也。問奇音延。則此仙居羨道也。

車子侯。○漢文帝與奉車子侯。登泰山封禪。後暴卒。奉車者官也。子侯者小侯也。霍去病之子。仙傳因誤爲車子侯。曰扶風人。

漢文帝稍遷其位至侍中。一朝仙去。其誤如此。

洪崖有二。○郭璞詩所稱者姓張。或云黃帝之臣伶倫也。又云神農師。堯時已三千歲矣。漢文帝時入華山。尋其叔叔卿。真誥云洪崖先生。今為洞。真。其隱跡在豫章西山。洪井在伏龍山。宋人畫跨白驪。衣紅蕉葛衫。從者五人。曰橘栗木葛拙。負六角扇。垂雲笏。方木鐙。二玄書。此張蘊也。筆叢以為唐張氲。號洪崖子。世多以堯時之洪崖姓張。亦猶金華之皇初平號赤松子。而劉孝標遂以金華赤松子為雨師也。初平之兄初起。亦改名魯般。罔象方相罔像仿像稍異。○周禮方相氏掌逐疫鬼。作罔像。莊子失元珠。問罔象。孔叢子水石之恠龍罔象。又晉書載紀劉元

海傳。仿像相符。杜甫溪陂詩。仿像識斂人。郝氏以為罔象即仿象。方相。智按方相即俱頭也。因彷彿罔象而名之。荀子曰。面如蒙俱。南史沈雲禎傳。葬不須轎車靈舫。魁頭也。孫恂收顯。儻而無俱。蓋一字也。恂偶遺耳。成式曰。儻一名蘇。一曰狂阻。一曰觸墻。費長房識李娥藥丸。謂之方相腦。

罔兩作方良。罔寬。罔闐。蝸。蝸。魁。魁。○左傳。螭。魁。罔。兩。通作方良。見禮注。張衡東京賦。斬委蛇。腦方良。淮南道應訓。南遊乎罔寬。史相如哀二世。賤精罔闐而飛揚。史孔子世家。夔罔闐。魯語作蝸。蝸。家語作魁。魁。

商羊畢方。橐。芭。鶩。水火之怪。皆如鳥一足。○尸子。木之精為畢

方。一作必方。淮南注木精如鳥一足。方朔所對。卽此也。見別邑有譌火。孔子言商羊一足。何水火之怪皆一足邪。橐蜚亦如鳥一足。又山蕭鳥。臨海志有獨足鳥。聲如人。將雨轉鳴。是商羊也。唐韵曰鶩。土精也。似雁一足。黃色。薛綜注東京賦。魃蜚小兒鬼。畢方老父神。如鳥一足。銜火作災。陳後主時一足鳥集殿。以紫畫地成文曰。獨足上高臺。盛艸變成灰。

藻兼卽藻廉。水木之精。○見幽冥錄。東方朔所言也。唐陸勛集異志拾遺記作藻隸。各類書作藻廉。

甲作腓胃雄伯騰蘭攬諸伯倚疆梁祖明委隨錯斷窮奇騰根。十二皆儼神。○後漢禮儀志逐疫中黃門倡。偃子和曰。甲作食。殖腓胃食虎。雄伯食魅。騰蘭食不祥。攬諸食咎。伯倚食夢。疆梁祖明共食磔。死寄生。委隨食觀。錯斷食巨。窮奇騰根共食蠱。按段安節樂府雜錄曰。甲作食。凶者。腓胃食夢者。騰蘭食不祥者。攬諸食名者。祖盟強梁食其磔。死寄生者。桃根食虎者。與柯古所引字亦微異。

倍阿屋。東北方鬼。○莊子倍阿。鮭蠶。林慮齊云云。道函作突。堪塚。一作堪。陪。鮭蠶。卽白澤之僕龍。

村留。橋柱像也。○水經注。馮翊石柱橋北首。壘石水中。舊有村留神像。此神與魯班語曰。我貌猙醜。卿善圖物容。我不出。班拱手令出頭。以腳畫地。置其像于水。惟背以上大水上。董卓後焚

通雅 卷之三十一 澤山止病車
此橋。魏夏修之。村畱之像。曹公騎馬見之驚。定州張平子事與此同。三齊略記載始皇巧人。以脚畫石塘相見之海神。神怒負約。可知附會。

響響皆漸。○張續宣室志曰。裴漸隱伊上。李道士曰。當今制鬼無如漸耳。時朝士書響于門。成式曰。元日書門息瘴。辟邪符尾。勅響。搜真玉鏡作響。積斬二音禪。讀休平聲。博物志。漢舊史。饑大桃人。葦索滄耳。虎等。響蓋滄耳也。

諾皋。太陰神也。○段成式云。唐乘言。諾皋太陰將星神名。有諾皋記。甲子日神曰弓陰。入水呼之不溺。甲戌神名執明。入火呼之不燒。日名張表。月名文申。雷公江赫冲。電母秀文英。風伯方

道彰。雨師陳季夫。俱見道經。藝苑卮言載之。此定臆造。其字亦

多造者。如曰鼈生。丙戌日鬼也。天陪也。乙卯也。耳述也。戊午也。遶也。壬戌也。迺也。辛丑也。

地聶左也。乙丙也。天避也。丙辰也。懋也。辛卯也。髮廷廷也。酉也。挺張也。丙午也。智謂呼皋

復而應諾。故取以為陰神之名。

青女。○淮南曰。秋三日。青女乃出降霜雪。高誘曰。青腰玉女生霜雪。梁昭明曰。青女司寒。杜詩。飛霜任青女。翟公與詩。青女霜如失。黃人日。故遲王道俊曰。玉曆祥異。眩云。外國之入貢也。若黃人守日而大。

郭禪。竈神。○見後漢陰就傳。無功引之。智按。其祖陰子方。以黃羊祀竈。章懷注。竈神名禪。字子郭。不言姓郭。杭州刻本艸。作陰

子萬。悞矣。元瑞云竈神姓張名單。字子郭。夫人字卿忌。一曰竈神名壤子。廣濟曆曰伏龍。莊子竈有髻。

侯囊。兩山之間鬼。○如小兒。諸葛恪引去故地。卽死。

糞而述。○秦文公時獵得獸若彘。二童子曰此名糞而述。糞而

述亦曰二童子名寶鷄。得雄者王。得雌者霸。

巫支祈。水神。○岳瀆經言禹導淮。獲巫支祈。似猴。李肇曰楚人

得古鉄鎖青猴。卽山海之無支奇。陳水南言泗州龜山寺井鎖

水母。卽毋支祈。弘治十六七季。有水怪曰趕浪。曰神木。殆卽此

羽家。金汞之子。○見歸藏啓筮。淮南作羽嘉。

宰一作宰。○直翁引莊山有宰。智謂以宰安名而訛。

夔魑。猶狂。耗鬼惡鬼也。○甘泉賦捐夔魑而扶猶狂。魑音虛。猶

音橘。

犁靄。小人國之靈鬼也。○山海經小人國有神。人面獸身。曰犁

靄之尸。道函有离靄。道昭載觀靄。

黔羸。造化神名。○遠遊曰召黔羸而見之。今爲余先乎平路。白

澤云陰陽變化之精曰岱委。摯虞賤用黔雷。疑羸羸之訛

大沈久湫。河神也。○秦惠王祀巫咸久湫亞馳。所謂詛楚三文

也。久與故通。

苑窳。蠶神也。○見漢舊儀。婦人寓氏公主凡二人。曰公主。尊稱

之也。

通雅

卷之二十一 姓名

八

字山七歲汗

語忘敬遺。王婦產。○柯古曰婦產呼之不害。二鬼長三寸三分。上下身衣。

折丹。山海經神名。○術士呼東風符用之。相傳日本有此法。梵書有真丹。徐鍔四六。龍持貝葉。亟傳摩竭之城。象負蓮花。遂滿真丹之境。摩竭。魚莊飾門柱也。真丹。震旦也。古聖帝時。通荒外之事。安知折丹非真丹之語。存疑。

俞兒。即蛟虵。○管子言俞兒見者霸。御覽引俞而。莊子。王子敖告齊桓。以委蛇。即此事。博物志。澤有委蛇。短轂長轅。見者霸。特易其名耳。詳見諛語。

臯。○無功引山海經。女和月母國。有人曰臯。按胡文煥百家名書本。作臯。郭璞音婉。

游光。伯強。皆厲鬼。○風俗通以游光為厲鬼名。魏志。謗語曰。李豐。兄弟如游光。向不得解。觀此便知。天問。伯強。大厲鬼也。疑即伯倚。強梁。二名為一。

靈露。蜚廉。屏翳。宋翬。異解。○淮南子。季春三月。豐隆乃出。雷師也。應邵曰。雲師。韻會作靈露。水經作封隆。西京雜記。雲師曰屏翳。呂覽曰。屏翳。雨師。蓋雲興。即雨也。古師與帥通轉。乃一字。後人分之耳。風俗曰。雨師為玄冥。風伯為蜚廉。即飛廉。元美引孟婆風姨。河圖書曰。大伯下為雨師。熒惑下為風伯。遁甲開山圖。有宋翬。即雨師二字。

項天竺。笙。依倚。後帝。卑。皆廁鬼。○襍俎曰項天竺。廁鬼也。一名笙。白澤圖曰。故溷之精曰卑。如女持鏡。呼之使人知媿。又曰廁精名依倚。異苑曰廁精曰後帝。陶侃嘗見之。

曰蛟曰夔曰揮曰金累。皆山精也。○枹朴子曰山精如小女曰

蛟。呼之即不敢犯。一曰超空。又曰山精如鼓。一足曰揮。又衣裘

帶笑名曰金累。如龍曰飛龍。玄中記山精食三蟹。千歲蟾蜍食

之。白澤圖曰山精名夔。百歲狼化女曰知。火精曰必方。按即木

精曰樟侯。即異苑陸敬叔所言之彭侯太中虫曰賈。與地下大名同金之精曰蒼。如

豚。使人不宜妻。水之精曰罔極象。如小兒。赤色可烹。故門之精

名野。如朱儒。見人則拜。呼之宜飲食。故宅之精名揮文。又曰兩

貴。故廢墓之精曰元。如老役夫。又名狼鬼。又有山冕如蛇兩頭。

呼之可使取金銀。故道徑之精名忌。呼之不迷。澤鬼曰慶忌。道

之精名作噐。故池之精名意。又名髡頓。井之精名觀。按襍俎口井鬼名瓊

故市精曰毛門。室精曰後龍。堂下被髮曰溝。顧愷啓蒙記曰玉

精曰委。如女青衣。桃戟刺之可得。元中記曰玉精為白虎。金精

為車馬。銅精為僮奴。鉛精為老婦。柯古載蛇鬼曰側石圭。一名

塵。馬鬼名賜。衣服鬼名甚遼。側即刺。

天孫召魂。○博物志曰援神契云。五岳之神堅。四瀆之神仁。太

山。天帝孫也。主召人魂。白虎通曰軫星逐鬼。張星拘魂。東井還

魂也。王子季曰融皋山上有飜魂。即返魂也。稚川有太乙召魂

魄丹。率死三日。折齒內一丸即活。

靈笈七籤。與龍魚河圖諸神名。皆臆造也。○黃庭內經曰髮神

蒼華字太元。腦神精根字泥丸。眼神明上字英元。鼻神王壘字

靈堅。耳神空閑字幽田。舌神通金字正倫。齒神齔鋒字羅干。心

神丹元字守靈。牙神皓華字虛成。肝神龍烟字含明。腎神元冥

字育嬰。脾神嘗在字魂停。膽神龍曜字威明。龍魚河圖曰髮神

壽長。耳神嬌女。目神珠映。鼻神勇盧。齒神丹朱。夜卧當呼之。藏

經心。虫名斑駁。七籤曰。司命曰發紐。目神曰虛監。舌神曰始梁。

九關。魂名曰綠道。河圖又曰泰山圓常龍。衡山丹靈峙。華山滯

鬱狩。恒山登僧。嵩山壽逸羣。泰山將軍唐臣。衡山將軍朱丹華。

山將鄒尚。恒山將莫惠。嵩山將石元。東海馮修。夫人朱隱娥。南

海視赤。夫人翳逸寥。西海勾太丘百。夫人靈素簡。北海禹帳里。

夫人結連趙。汲冢曰。蓐收居岍山。而太公金匱所言四海之神。

即祝融。玄冥五帝也。注疏引東方靈威仰。南方赤熛怒。中央含

樞紐。西方白招矩。北方叶光紀。典略曰。虛王刀。名大房。勞惑王

矢名防隍。角王弓。名曲張。作典張張王弩。名遠望。參王戟。名大

將。戰時細祝之。或以五日作赤靈符。著心前。或丙午月作龍虎

三囊符。太公又載刀神脫光。箭神續長。矛神跌蹠。河圖曰斧神

狂章。春秋佐助期云。司弓弩神曰推亾。水經注云。臯通神人。能

治弓弩。類山載鏡神紫珍。筆神佩阿。佐助期。又云。麥神福集。黍

神併佞蘭郝。豆神靈趙。姓藥。無功作靈殖。湧幢小品云善睡之神曰宜楸。

三彭三姑三尸。猶三蟲三毒也。庚申表西殺也。○西陽雜俎。上尸青姑伐人眼。中尸白姑伐人五臟。下尸血姑伐人胃命。凡庚申日三尸言人過。玉函秘典。上尸彭琚。小名阿呵。中尸彭璣。小名作子。下尸彭璠。小名季細。守尸之鬼曰破射。元科三尸。甲寅遊手。剪手爪。甲午遊足。翦足甲。藏經言三蟲。兩鼠之類也。楞宗元有罵尸蟲文。皮日休白樂天皆守庚申。許渾詩。季長每勞推甲子。夜長初共守庚申。道士程紫霄曰。任汝三彭說是非。皮白何惑乎。文人滑稽白娛耳。

終

通雅卷之二十二

桐山方以智密之輯著

同里姚文燮經三較訂

官制 仕進

辟舉。猶古之興毗也。○宰夫書其能者。與其良者。以告于上。卿大夫三季則大比。攷其德行道藝。而興賢者能者。禮賓之。遂大夫大比。帥其吏而興毗。鄭司農曰。興賢若今舉孝廉。興能若今舉茂才也。漢高帝詔。其有意稱明德者。必身勸為之。駕遣詣相國。書行義季。文帝二季舉賢良方正。直言極諫者。文帝建元亦舉丞相。縮奏罷之。昭宣元成皆舉賢良。直言茂材異等。後漢每

因日食災異或初卽位輒詔舉士。而孝弟力田自高祖舉爲三老。惠帝舉者復其身。高后元季初置孝弟力田二千石者一人。文帝十二季以戶口率置三老孝弟力田常員。文帝嘗遣存問賜帛。元符六季舉獨行君子詣行在所。元光元季初令郡國舉孝廉各一人。又舉有道至孝。延平中舉隱士。建初辟士四科。一德行。二學通。三明法。四多略。公府亦以此辟士。光祿四行卽以此第其卽從官也。魏州郡皆置中正以選舉。劉毅言其弊。晉太始舉賢良方正直言。又舉異行。其秀孝則策試之。隋詔以志行修謹清平幹濟二科舉人。唐賢良方正直言皆制舉試之。中者稱及第。貞觀十七季舉孝廉茂才異能。開元設直言極諫科。其舉選不由館學者謂之鄉貢。州縣試已。至省疏名結款通保。由戶部集闕。而關於考功試之。開元寶應貞元皆舉孝弟力田。宋乾德三科亦舉賢良經學吏理。然皆吏部試策論三道。開寶舉孝弟德業。嘉祐舉行寔。隆興舉逸民廉吏。世降化薄辟舉亦屬夤緣。特異亦藏詭僞。瑣闥執簿猶呼盧耳。所教非所用矣。偃風勉善。自得其真。蘇軾曰舉孝廉則勇者割股。怯者廬墓。此文人之偏詞。欲造舟而先憂溺人耶。科目里選竝行。而徵聘閒舉。總在君相類物情而鼓舞之。胡瑗分齋教學。安石積驗法。有寔行者乎。周宣幹欲罷三十季科舉。痛其積習也。末世治以例而教學不講。卽使破格。徒爲奸資。誠使取士先以文學。但優而不用。

通雅 卷之三十三 二 漢有甲乙丙科射策者以應令爲中。○蕭望之以射策甲科爲郎。注師古曰調爲難問疑義書于策。量爲大小。書甲乙之科。列而置之。不使彰顯。有欲射者。隨其所取得而釋之。以知優劣。射之言。投射也。對策者。顯問以政事。觀其文辭。定高下也。匡衡以射策甲科。不應令。除爲太常掌故。褚先生曰。數射策不中。至九中丙科。兒寬以射策爲掌故。馬宮。翟方進。何蒼。王嘉。竝以射策甲科爲郎。房鳳以射策乙科爲太子掌故。召信臣以明經甲科爲郎。儒林傳。平帝時。歲課甲科四十人爲郎。中乙科二十人爲

太子舍人。丙科四十人補文學掌故。光武時。顏氏博士缺。試策第一。拜博士。永元十四年。徐防疏。博士及甲乙策試。宜從其家章句。開五十難以試之。論語不宜射策。詔從防言。李巡以爲博士試甲乙科。爭第高下。夏相告言。乃刻石經。爭者用息。順帝陽嘉元年。增甲乙科員。由師古注論之。今嘗以射策爲對策者。非矣。余以爲量爲大小。列而置之。隨人欲射之說。恐未必然。或似今出題試法耳。撫言且言題于几上。令士人以矢投之。此說尤非。

唐有六科二科九科四科。○六典載六科。一曰秀才。二曰明經。三曰進士。四曰明法。五曰書。六曰算。試秀才置進士科。始于隋。

至唐初秀才最高。貞觀中有舉而不第者。坐其州長。由是廢絕。士族趨向。惟明經進士二科。而進士爲尤重。帖經及試雜文。則調露二季。從劉思大之請也。顯慶五季。詔五品以上四科舉人。一德行。二經史。三詞藻。四廉直。肅宗乾元御宣政殿。試四科舉人。宣宗大中十季。奏見置科目。開元禮三禮三傳三史學究道學明法書算童子等九科。通典曰。明經雖有甲乙丙丁四科。進士有甲乙二科。自丕德以來。明經惟有丁第。進士惟乙科而已。進士試詩賦時務策五道。帖一大經。全通爲甲第。策通四帖。過以上爲乙第。及第綴行通名。詣主司謝。乃敘齒赴期集。又有曲江會題名席。紅綾餅餤。所謂衣骨皆香。李贊皇言臣祖登第後。家不置文選。朝廷官須公卿子弟。以少習其業。自熟朝廷事也。當國時奏設科取士。而附黨背公。自爲門生。自今一見有司而止。其期集參謁曲江題名皆罷。其曰別頭試者。唐禮部侍郎親故。移試考功。謂之別頭。貞元十六季高郢奏罷之。變曰。帖紙令論一經義爲帖括。

宋乾德置三科。太平興國八科。景德六科。天聖十科。紹興復元祐十科。又定兩科。○乾德二季。詔置制舉三科。一曰賢良方正。二曰經學優深。三曰詳閑文理。開寶六季。御講武殿。覆試進士。宋準等。御試舉人自此始。以詩賦取士。自開寶六季。至嘉祐八季。凡三十六舉。興國二季。御殿。覆試禮部合格八科舉人。得九

經一。開寶通禮四人。三禮八十人。三傳五十三人。三史三人。學究四十一人。明法十四人。凡百九十六人。并賜本科及第。其九經五經七人。不合格。亦賜同三傳出身。唐進士每歲三十人。咸亨上元增七八十人。尋亦復故。比興國幾五百人。又未命官而賜綠袍鞞笏。淳化三季加論一道。以三題爲準。又詔律賧依平仄用韻。殿試糊名。祥符四季。晁迥定禮部貢院條制。上發解進士條制。天聖元季定科場條貫。景德復六科。賢良博經才識。吏理韜畧邊寄等科也。天聖十科加書判拔萃科。又置高蹈丘園。沉淪艸澤。茂材異等。共十科也。并許白衣舉人。紹興二季。以朱勝非請。復元祐十科。乃司馬光所請者。十五季分經賧爲二

科。進士賜御詩袍笏。聞喜宴。自興國二季始。唱名自雍熙二季始。廷賜袍笏。自祥符元季始。糊名始淳化。而諸州糊名。自明道二季始。易書大。于祥符。而諸州易名。自景祐四季始。廷試不黜。始于嘉祐二季。三歲一舉。始于治平四季。宋經義詞賧。更爲廢興。已合爲一。又分爲二。溫公盡變安石法。惟經義取士不變。甚是。紹聖初季。令進士純用經義。而改置宏詞一科。于進士登科後。試之。取不過數人。卽今之館選也。元仁宗始從李孟之請。制三歲一開科。八月郡縣鄉試。明季二月會試。中者策之于廷。賜及第出身。有差。卽今制也。但彼以蒙古色目爲右。漢人南人爲左。各命題耳。

登名。上聞也。○史記周紀王曰。維天建殷。其登名民三百六十夫。亦見周書。隨巢子司馬貞曰。登進名賢之人。猶言升聞也。如淳引呂氏春秋曰。魏文侯勝齊。天子賞文侯以上聞。樊噲傳破李由軍。賜上聞爵。晉灼曰。名通于天子也。

新士。新試士也。○王制論秀士。升之司徒曰選士。升之學曰俊士。皆曰造士。告於王。升之司馬曰進士。學記中季考校。周禮曰大比。此猶之試士也。夏官司士。故士注曰。故爲士者。疏曰。新升試士。未得正爵者爲新士。

重試曰覆試。○舊說太后覆試崔沔第一。覆試自此始。唐志。高祖詔諸州明經秀才俊士進士。縣考試。州長重覆。歲隨方入貢。

此唐法也。漢左雄議舉士。先試之公府。又覆之于端門。張成除此科。黃瓊言覆試之作。將以覆虛實濫。不宜改革。則漢已有覆試事矣。乾德六年。詔舉人有父先食祿者。覆試。紹興于後省覆試。今童生猶覆試。鏤廳彌封。糊名。謄錄。皆詳于宋。而後因之。吳康齋見投簡。歎曰。辱士至此。遂出天順中。李賢薦。徵爲春坊。辭歸。豈可以尹蹇齋之吹疵而抹殺哉。

漢有童子郎。唐宋開童子科。○漢左雄奏汝南謝廉。河南趙建。季十二能通經。拜童子郎。臧洪十五拜童子郎。黃琬以公孫拜童子郎。梁天鑒七季。岑之敬十六擢高第。除童子奉車郎。唐志十歲以下。能通一經。及孝經論語。誦文十通者。予官。通七者與

出身員半千裴耀卿王丘皆擢童子科。李泌楊炯則舉神童矣。淳化二季。賜泰州童子譚孺卿出身。雍熙得楊億。咸平得宋綬。景德得晏殊。仁宗時童子賜出身者十人。寶元罷天下舉。念書童子。高孝時皆有童子求試而受官者。今則試秀才。例稱童生而已。景泰中李東陽六歲召見。書龍鳳龜麟字。八歲試益稷篇。○打毘毬。下第也。○李肇國史補曰。進士爲時所尚久矣。其都會謂之舉場。通稱曰秀才。投刺曰鄉貢。得第謂之前進士。互相推敬。謂之先輩。俱捷爲同季。有司爲座主。京兆府考而升者爲等第。外府不試而貢者曰拔解。將試自保曰合保。羣居而試曰私試。造請權要曰關節。激揚聲價曰往還。旣捷列名慈

恩寺曰題名會。大宴於曲江亭曰曲江會。籍而入選曰春關。不捷而醉飽曰打毘燥。匿名造謗曰無名子。退而肄業曰夏課。挾藏而入曰書策。打毘毬見地理志。卽打毘燥也。

覓舉梯媒。言關節也。○薛登曰。方今舉士詔下。陳篇希恩。奏記誓報。俗號舉人。皆稱覓舉。禮部采名。故預投公卷。權宗元上權德輿溫卷。後周寶儀請進士省卷。納五軸以上。崔郾試士。吳奭陵以杜牧阿房賦予之。請以第一人處牧之。錢徽不聽。段文昌李紳託而貶。蘇軾以題致李廌。而爲二章得。可見科場采名。或以關節買舉。自昔然矣。陶九成言關節謂之梯媒。

初登第有燒尾宴。大臣獻食亦曰燒尾。○大臣拜官。獻食天子

曰燒尾。蘇瓌獨不進。韋嗣立趙彥照崔湜轉官。中宗皆令于興慶池燒尾。邵氏聞見錄。士人登第。必展歡宴。謂之燒尾。說曰。虎化人。惟尾不化。須得燒去。又曰。新羊入羣。須燒其尾。又曰。魚化龍。必有雷火燒其尾。唐太宗問宋子奢。燒尾事。以燒羊爲對。石林燕語亦莫能折衷也。筆叢作朱子奢。

淡墨氈書。貢院榜也。○撫言進士榜用黃紙。以淡墨氈書。禮部貢院四字於首。賈公談錄云。李紆侍郎放榜。未填榜首四字。疾命吏士昶昶善書。時醉。以氈筆染不能加墨。迨明方覺。字體濃淡相間。反致其妍。後遂爲故事。

後漢始有選部。晉有選例。梁有選品。唐有三銓。有小選。東選。南選。乾德參選。雍熙置三班院。元豐定四選。紹興編七司例冊。○漢成帝建始初。置尚書有常侍曹。主公卿事。又有二千石曹。掌郡國二千石。後漢始改爲吏曹。主選舉祠祀。尚書令總之。後又爲選部。靈帝以梁鵠爲選部尚書。魏改選部爲吏部。陳蕃爲光祿勳。與五官中郎將黃琬共典選舉。疏曰。陛下宜擇從忠善。尺一選舉。委尚書三公。呂強疏曰。舊典選舉。委三府。三府有選。參議掾屬。咨其行狀。若無可察。然後付之尚書。今但任尚書。或復敕用。蓋漢時尚書官小也。晉李胤刊定選例。而著令。王戎領吏部。始爲甲午制。劉宋大明中。分吏部尚書置二人。齊和帝時。梁武帝表大選部。天監中。徐勉撰選品。唐六典曰。三銓曰尚書銓。

中銓東銓四事曰身言書判。三類曰德才勞。凡流外兵部禮部舉人郎官得自主之曰小選。太宗時以歲旱穀貴東人選者集于洛州。謂之東選。高宗時以嶺南五管黔中都督府得郎任土人。而官或非才。乃遣郎官御史爲選補使。謂之南選。吏部員外郎掌選院。謂之南曹。長安志選院在尚書省南。選人看榜處。乾德二季詔流內銓聽四時參選。不俟冬集。雍熙四季置三班院。供奉官殿直承旨爲三班。嘉祐徙三班院于文思院西。志曰三班院文臣兩制以上。武臣諸司使以上掌之。元豐五季吏部分選有四。文臣自朝議大夫大理正以下。非教授者。歸尚書左選。武自皇城使以下。非宣授者。歸尚書右選。自初仕至幕職。歸侍郎左選。自監掌至供奉官。歸侍郎右選。神宗謂三代兩漢無文武之別。故命蘇頌定之。紹興四季詔吏部編七司例冊。淳熙修七司法。紹興十九季上吏部續降七司通用法。續降者。續降朝旨也。愚者曰漢襲秦郡縣。猶有封建意。守令自用其屬。而吏皆上達耳目。親而試之。明故漢最得人。自隋奪天下。權予吏部。責一手知天下人才。公者執例而已。崔銑謂世寧高東陳建之議。宜寫一通以進。

注擬選冊也。○山濤每缺啓擬。後因大品格。注其人才。以四事三類。定其留放。謂之注擬。唐三品以上冊授。五品以上制授。六品勅授。皆由尚書省奏擬。

厭唱。選人受注而唱名也。○唐法五品以上不試。上名中書門下。六品以下始集而試。觀其書判。已試而銓。察其身言。已銓而詢。注其便利。已注而唱。下厭者得反通其辭。三唱而不厭。聽冬集。

過官。過門下省也。○故事三銓三注三唱而後擬官。季春始畢。乃過門下省。猶今之過堂也。楊國忠兼文部尚書。密定員閣於都堂試唱。于是門下過官三銓注官之制皆廢。奏受具題也。○厭者爲申上于僕射。乃上尚書。有給事中讀之。黃門侍郎省之。侍中審之。然後以聞。主者受旨而奉行焉。謂之奏受。按今文選單月急選。雙月大選。掣籤于棕棚。具本曰題。其私情或陳諫。則曰奏。奏本長題本一寸。吏部掣籤選官。始于太宰關中孫公丕揚。後遂踵之。

凡拜官。則給告身。○唐制拜官之日。卽給告身。其人先輸朱膠。綾紬價。方准書給。大將軍告身一通。止易一辭。此猶今之空頭劄也。唐選舉志曰。三銓注擬奏受。視品及流外。則補皆給以符。謂之告身。此似今之文憑。于文定謂告身。卽今之告勅也。宋之制亦然。每至宣麻誕告。鎖院演綸。詞頭以下。外人未知。其密且重如此。

漢有課第。有功次。魏有都官考課法。晉有九班制。元魏有勲書。唐有考簿。宋有磨勘。○漢選部猶周官司士也。三歲稽士任。而

進退其爵祿。猶後世之考功也。漢御史中丞總領州郡奏事。課第諸刺史。刺史課郡國二千石。郡又課縣。兩府九卿雜攷郡國之計。天子受相國之要。光祿第郎從官。孝元使尚書選第中二千石。選第猶課第也。課其殿最也。其曰連最。連稱最也。功次計功幾次也。兒寬為掌故功次。補廷尉文學卒史。馮奉世為郎功次。補安長。薛恭本縣孝者功次。稍遷。衛綰為郎功次。遷中郎將是也。尤異最尤異也。魏明帝詔散騎常侍劉邵作都官考課七十二條。晉九班制。劉頌為吏部尚書所建。杜預受詔為黜陟之課。略曰末世疑心而信耳目。疑耳目而信簡書。漢刺史歲終奏事。不制算課。而清濁粗舉。魏氏考課。即京房遺意。失于苛細。

以遺大體。故歷代莫能通也。詔書以考課難成。聽通荐例。卒不行矣。元魏朝堂黜陟。郭祚奏景明考格。盧同為左相。閱吏部勲書。檢覈竊階者三百餘人。唐考功差以九等。敘以四善。外有二十七最。貞觀歲定京官望高者二人。分校京外官考。給事中中書舍人各一人蒞之。考功郎中判京官。員外判外官考。故事考簿朱墨。咸通王徽建議以墨。其六條黜陟。則遣使行也。唐虞九載。魏晉以後六周。唐因隋為四。又減為三考。宋以三季為滿。四朝志曰。考功以七事考監司。以四善三最考守令。淳化四季。以考校京朝官為審官院。幕職州縣官為考課院。旋以考課院歸流內銓。祥符九季磨勘京朝官。天禧詔審秩。及三季審官院磨

通雅 卷之三十一 一 漢口此鼎車
勘嘉祐有考績新書。磨勘以中丞學士典領。紹興舉荐按察四條。沈該劾司馬光所請也。

季勞。遷敘也。○唐志凡居官必四考。四考中中。進季勞一階敘。凡季勞歲一敘。給記階牒。宋五月限考。蒲卽遷。卽季勞也。

書考。自書其課迹也。○宋太宗罷歲月序遷之制。欲修唐制書考之事。與國六季。詔京朝官釐務于外者。咸給御前印紙。令書治迹。雍熙四季。知州通判給御前印紙。書課績。

曰流內者。自隋始。曰流外者。自唐始。○隋置九品。品各有從。自四品以下。每品分爲上下。凡三十階。自太師始焉。謂之流內。流內自此始。又置視正一品至九品。品各有從。自行臺尚書令始

焉。謂之視流內。自此始。唐因隋制。又置視正五品。視從七品。以除薩寶及符箴正。謂之視流內。又置勳品九品。自諸衛錄事。及五省令史始焉。謂之流外。自此始。劉祥道言歲入流千四百人。欲歲定爲五百人。魏元同言諸色入流。歲以千計。曰流外者。猶今言未入流也。

假版。班品之卑者。○陸機表注。凡王封拜。謂之版官。卽漢尺一版。拜用之遺也。隋官志曰。陳有版咨議參軍。版長史之類。晉華譚傳。謹奉還所假左丞相軍咨祭酒版。晁錯言。里有假士。連有假五百。五百師名也。邑有假候。後志有軍假司馬。趙充國從貳師。班超從竇固。皆假司馬。似今之劄付官。晉大行臺之時。所任

承制拜封。皆假官也。

官京師曰京官。常參曰升朝官。○京朝官蓋有分別。陸務觀曰。唐自相輔以下。皆曰京官。常朝曰常參官。宋初以常參預朝謁曰升朝官。元豐以預宴坐曰升朝官。合之則曰京朝官。

抹階。辭免除授之故事也。○學士院辭免除授。賜詔皆留其章。葉石林曰。今降批表。院中用紙連其章。後書省表具之字。必長作表字。傍一瞥通其章階位上。謂之抹階。使不復用舊銜意。

以他官兼曰貼職。○史館昭文館集賢院為三館。皆寓崇文院。直館直院謂之館職。以它官兼者謂之貼職。劉禹錫集荆門縣記云。禹錫方以郎佐帖職于計臺。帖職字當始此。元吏房三科。

二曰貼黃。今奏本約其事曰貼黃。而清黃則兩選核黃封也。

官制 爵祿

漢賜民爵。唐曰賜民古爵。宋賜高季爵。○大事記。晉賜天下民爵。自惠帝始。後漢書注。劉邵爵制曰。春秋不更庶長已見。商鞅修其法。品為十八級。合關內侯。凡二十等。百官表曰。爵一級曰公士。二上造。三簪裹。四不更。五大夫。六官大夫。七公大夫。八公乘。九五大夫。十左庶長。十一右庶長。十二左更。十三中更。十四右更。十五少上造。十六大上造。十七車庶長。十八大庶長。十九關內侯。二十徹侯。避。蒼諱曰通侯。賜爵自公士以上。不得過公乘。賜爵者有罪得贖。貧者得賣與人。高紀詔曰。民各歸其縣。復

故爵。又曰七大夫公乘以上皆高爵也。異日秦民爵。公大夫以上。今丞與抗禮。今吾于爵非輕也。其令諸吏善遇高爵。于文定言漢賜民爵。不知其制。智按唐劉知幾所陳海內具僚九品上。每歲賜赦。必賜勛階。至于會宴。緋服多于青衣。象版多于木笏。可見其濫。蓋庶官普加階級。而不及平民。與漢異。宋遇郊赦。普賜恩階。所及雖多。而時頗希闕。與唐亦異。于文定言唐宋無賜民爵事。殆未考耳。智按唐高宗紀乾封元季封禪。改元中宗神龍元季祀明堂大赦。玄宗天寶八載謁太清宮大赦。德宗大曆十四季卽位大赦。皆賜民古爵。宋端拱元季賜高季百二十人爵爲公士。開寶中澶密等州民季八十以上賜爵公士。咸平五季。賜京城父老百十九歲祝道。齒爵公士。祥符三季賜祥符等縣季八十以上者爵公士。祥符二季以天書降賜爵。王伯厚曰秦漢以後不復賜民爵。自藉田禮成。端拱詔始復賜焉。智按魏文帝黃初元季。賜天下男子爵人一級。三季太皇后。賜爵二級。明帝太和元季。賜天下男子爵人二級。青龍元季亦然。則魏猶踵故事也。文定所言漢賜民爵不知其制。智亦疑之。疑天下民盡賜爵。大社稷卽位皇太子改元。恩詔重複。則幾無百姓矣。常見漢詔賜高季帛。又因宋賜民爵。必以高季。乃始較然于漢詔所稱民。殆鄉老或里長之謂乎。猶今之耆民壽官也。其公乘以。下。觀高帝詔令諸吏善遇高爵。則公士等猶夫民耳。卽漢詔所

云久大吏前。曾不為沒也。特用以贖罪而已。惠元季民有罪。得賣爵三十級。以免死罪。應邵曰。一級值錢二千。凡為六萬。若今贖罪入三十疋。縑矣。六季令民得賣爵。入粟拜爵。晁錯之議也。六石為上進。稍增至四千石為五大夫。各以多少級數為差。景帝時修賣爵。令裁其賈以招民。孝帝置老功爵。食貨志曰。級十七萬。凡直三十餘萬金。是何其貴也。又何不分上下之等。豈造士與軍衛同價乎。劉氏曰。級為十七。衍萬字也。臣瓚曰。茂陵中書。有老功爵一級。曰造士。二曰閑輿衛。三曰良士。四曰元戎士。五官首。六秉鐸。七千夫。八樂鄉。九執戎。十政戾庶長。十一軍衛。則止十一級。楊僕傳以千夫為吏。功臣表陸量侯。須無。曾孫秉

鐸聖。灌嬰曾孫官首。匿皆老功爵也。魏志建安二十季。始置名號。侯爵十八級。關中侯十七級。皆金印紫綬。置關內外侯十八級。銅印。龜紐。墨綬。五大夫十五級。銅印。環紐。墨綬。皆不食租。與舊列侯關內侯凡六等。以賞軍功。裴松之以為。今之虛封。蓋自此始。爵曰不更。言不更卒也。後左右中更。言用更卒也。簪裏舊注。御駟馬者。要裏。古之名馬也。駕駟馬者。其形似簪。智不謂然。蓋導加冠曰簪。以組帶馬曰裏也。考洪武時。曾賜民爵里士鄉士。

周五等。漢用其二。魏凡六等。晉五等。唐九等。宋五等。明用三等。○漢二等爵。魏咸熙元季。建五等爵。晉六五等。有大國次國小

通雅 卷之二十一 十五 澤山此處車
國郡公郡侯。自魏黃初三季。制封王之庶子爲卿公。嗣王之庶子爲縣侯。公侯之庶子爲亭伯。晉泰始二季。詔曰。本爲縣侯者。傳封次子爲亭侯。爲卿侯。爲關內侯。皆食本戶十分之一。唐百官志。司封凡爵九等。一曰王。食邑萬戶。正一品。二曰嗣王。郡王。五千戶。從一。三曰國公。三千戶。正二。四曰開國郡公。二千石。從二。五曰開國縣公。千五百戶。正三。六曰開國縣侯。千戶。從三。七曰開國縣伯。七百戶。正四。八曰開國縣子。五百戶。正五。九曰開國縣男。三百戶。從五。通典并云。其上加實封者。仍給租庸。凡封戶三丁以上爲率。歲租三之一入朝廷。食實封者。得真戶分食。開元勅。諸食寔封。並以三丁爲限。開元十季。詔宰相共食實封。三百戶。以七丁爲限。堂封自此始。將帥封王。自天寶九載始。宋用五等。以勳階進。明朝封爵。止公侯伯三等。而位俱在一品之上。異姓王。但有追封而已。

景風紹封。以夏封也。○和紀。永元詔。曹相國後容城侯無嗣。求近親宜爲嗣者。須景風紹封。以章厥功。注春秋考異。郵曰。夏至四十五日。景風至。則封有功。三王世家。因盛夏吉時。定皇太子位。月令。大夏之日。封諸侯。下邳惠王衍傳注。和帝賜彭城王恭詔。差次下邳諸子上名。將及景風。拜授印綬。馮異傳。安帝詔。二十八將絕世者。分別署狀。上將及景風。章敘舊德。盧植規竇。曰。准之前事。將有景風之祚。

餐錢。月奉也。○高后紀。列侯幸得賜餐錢奉邑。注餐錢。賜厨膳錢也。奉邑。本所食邑也。周禮太宰注。祿若今月奉。疏曰。古者祿皆月別給之。漢之月奉。亦月給之。古制祿不計錢。陸贄曰。三代以食人眾寡爲差。兩漢以石數多少爲秩。史記樊噲自三百石吏以上而効之。以石計祿。始見于此。後百官志。百官受奉例。大將軍三公奉。月三百五十斛。遞減至佐史。月八斛。凡諸受奉半錢半穀。外戚傳。魯秩視真二千石。汲黯傳。以諸侯相秩居淮陽。注如淳曰。律真二千石。月百五十斛。歲得千八百石。是石與斛之數無殊。石卽斛也。然則量數百五十斛以名祿。則曰千八百石。猶有古制。祿不計錢之遺意。晉有官表。注曰。漢延平中。中

二千石。奉錢九千。米七十二斛。真二千石。月錢六千五百。米三十六斛。則漢百官俸。米多錢少。于此可見。其數減于前漢者。後漢裁之也。古時大臣祿賜甚厚。既有國土而賜予動千萬。如黃金百斤。其常也。開元二十四年。定百官俸。一品月三十千。遞至九品。月一千九百餘。大曆十二年。加京官俸。三公宰相。每月各一百二十貫。又有職分田。一品歲七百石。自會昌以後。三師二百萬。三公一百六十萬。侍中百五十萬。令僕百四十萬。尚書御史大夫一百萬。節度使三十萬。此計一歲而言也。一萬當爲十緡。二百萬則爲二千緡矣。宋乾德置俸戶。祥符五年。加職官月俸。三師三公。百二十貫。此與大曆相近。北漢劉崇以太原建國。

宰相月俸百緡乃今一統宰相月俸猶不能半。鄭端簡曰。祿涼于宋。而蠲復之恩科愈厚。至推三代一如見爵。則千古曠絕之恩矣。宋元封贈大父母。降父母一等。封贈父母。降本身一等。斗食。祿少也。○通典斗食。太常明堂員吏。至雒陽令員吏。月十斛。斗食差優於佐史。佐史月八斛。秦范睢曰。自斗食以上。有非相國之人者乎。王翦歸斗食以下秩。薛宣傳爲大司農斗食屬。師古曰。斗食一歲不滿百石。

寄祿官。猶今之勳階也。○夢得曰。制寄祿官。銀青光祿大夫。與光祿正議中散朝議。皆分左右。朝議中散。有出身人皆超右。其餘竝以序遷。宋太祖階級法曰。一階一級。全歸伏事之儀。續演

繁露曰。政和三季。勅特進至承務郎爲寄祿官。承直郎至勳功郎爲階官。蓋元豐時未分寄祿與階官。故人以非職官爲階官。近制則以特進正尹少尹爲勳。以大夫郎爲階。而無寄祿例。霍料。幕府官俸也。○松陵唱和。皮日休云。酒坊吏到常先見。霍俸符來每探支。注云。吳都有霍料。宋景文祁筆記。不知鶴料。王洙李淑皆不知。按墨莊漫錄曰。曾文彥知滁州。有和表弟西齋詩。寧羨一囊供霍料。會看千里躍龍媒。注云。唐幕府官俸。謂之霍料。

通雅卷之二十二終

通雅

卷之二十二

十八

法山止齋

精

精者以...

精者...

精者...

精者...

精者...

精者...

精者...

精者...

精者...

精者...

精

精

精

精

精

精者...

精者...

精者...

精者...

精者...

通雅

